

Quli paka 4

Ullaña panka



Texto de Comunicación del 4º de primaria



PERÚ

Ministerio
de Educación

El ciudadano que queremos



**Curriculum
Nacional**

Qui^lí paka 4

Ullaña panka





Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito Rural

Dirección de Educación Intercultural Bilingüe

4 Quli paka- aymara

TEXTO DE COMUNICACIÓN DEL 4º PRIMARIA - AIMARA

Perú Suyuna Yatichaña Chiquichiri
193 jakhuni uta, Comercio sutini,
San Borja markallana thakipa
Lima Perú
Jawsaña jakhuwipa: 615-5800
www.gob.pe/minedu

2024 marana mayiri mirayawi.
1,753 pankanaka mirayatawa.
Ilumpaqa phaxsina, 2024 marana mirayata

Luriri

Rodolfo Tintaya Chambi

Chiqaparu luraña yanapiri

Leoncio Sejje Mamani

Rixsuri

Archivo Digeibira-DEIB

Pankaptayirinaka

Martín Ángel Bonilla García
Gervacia Hermelinda Mamanchura Sardón

Mirayawi uñjaña yanapiri

Alan Ever Mamani Mamani

Impreso en:

PACÍFICO EDITORES S.A.C.

Se terminó de imprimir en septiembre 2024, en los talleres gráficos de Pacífico Editores S.A.C.,
sitio en Jr. Castrovirreyna 224 - interior 1.er piso, Urb. Azcona, Breña, Lima - Perú

Perú Jach'a Suyuna Pankanaka Imaña Utaru Yatiyata
Hecho el Depósito Legal en la Biblioteca Nacional del Perú N° 2024 - 03868

Akiri pankankiri qillqatanapaxa janiwa khitisa luririnaka jamasapatha mirayañapati.

Perú suyuna mirayata / *Impreso en el Perú / Printed in Peru*

Nayana yatiyawija

Sutija:

Jichha maraxa:

 t'aqankthwa.

Yatiñā utajana jakhuwipa:

Aylluja/markaja:

Yatichirijana sutipa:

Mara:

Uñañcht'ayata



Suma munata yatiqirinaka:

Aka pankaxa jumananakana ullapxañamatakiwa. Jupasti yatiña utamana aski yatiqañamataki sumapacha yanapt'ätamxa. Mayaru mathapita suma chuymani amawt'anakawa qillqsunipxtha. Yatichirimana yanapt'awipampi, awki taykasana yanapt'awipampi, achachila awichana arxatt'awipampi, ayllunkirina yatiñapampisa ukhama jumanakana yatiqawima aski ch'ullqichasiñapatakiwa.

Pankankiri qillqataxa markasana yatiwinakapa lurawinakapsa askipacha yatxatañamatakiwa. Ukhamaraki, aymara aru arsuwimsa qillqawimsa ch'amanch'asiñamataki qillqatawa. Kikiparaki, jakawisanxa, Pachamamarusa uywirinakasarusa aski yäqañasatakiwa. Ayllunsa, markansa, yatiña utansa, utjawisansa, jaqi masinakasampi suma sarnaqaña yanapt'arakistanixa.

Aski k'uchi amuyuniwa akayri pankankirinakampixa maya maya yatiqawinaka ch'amanchasirakinta. Suma wakisirinaka wakiyawinakampi yatiqantaxa. Juk'ampisa ullaskakija sañpachawa.

¡Suma chuymampi qallantapxañäni!

¡Khusäskaniwa!

Pirü suyuna yatiña irpirinaka

Pankankirina uñañchayiripa

1

T'aqa



Yapunakasa tumpasiñäni

9

Yapunaka uñjañxata yatxatapxañäni


10

Yaqha markanakana yapu uñjaña ullapxañäni

15

2

T'aqa



Yapunaka apthapipxañäni

17

Uñxatapxañäni

18

Jichhaxa yaqha qillqata uñxatapxañäni

22

3

T'aqa



Juyphina kamachinakapa yäqapxañäni

25

Juyphina kamachinakapatha k'atampi yatxatapxañäni


26

Jichhaxa yaqha qillqatraki ullapxañäni

31

4

T'aqa



K'umaräñataki isi wakichasiñäni

33

Isinaka sawuñxata yatxatapxañäni

34

Jichhaxa sawu qhatu utjañapatha ullapxañäni

40

5

T'aqa



Jaqichasiritaki utachapxañäni

41

Utachasiñxata askipacha yatxatapxañäni

42

Jaqinakana utanakapatha yatxatapxañäni

47

6

T'aqa



Yapu lurañtaki wakichasipxañäni

49

Yapu lurañxata yatxatapxañäni

50

"Mataxampi yapu wanuñchaña" ullapxañäni

55

7

T'aqa



Suma satawina qamarapxañäni

57

Yapu luraña tuqitha amuykipapxañäni

58

"Achuar aylluna yuka sataña" ullapxañäni

63

8

T'aqa



Taqinimpisa sumaki jakasipxañäni

65

Suma jakawxata juk'ampi yatxatapxañäni

66

Jallu jawsañxatraki yatxatapxañäni

71

1

T'aqa

Yapunakasa tumpasiñäni



Yapu yapuchañaxa kunasa pachaparu luraña ukjawa aski khusaxa, yamasa juyranaka puquraski uka pachaxa, suma achuqañapatakixa, taqi phuqatatha uñjayawa. Ukathwa achachila awichanakasaxa, taqi chuyma, Pachamamarusa yaqha uywirinakasarusa yäqapxirina, ukhamarakiwa kuna chijinakathsa jark'aqapxirina.

Jichha pachanakanxa, wayna tawaqunakaxa janikiwa ukhampacha yapu uywaña yatxapxit; jisk'atha jisk'atha suma lurawinaka armxpathi; Pachamamaru suma yäqañasa pisikixarakiwa; sallqa uywanakana, k'ita alinakana uñachawipasa janiwa yatitäxiti. Ukaxa juk'ampiwa pachana utjirinaka mayjt'ayxi, ukhamarakiwa janchisasa kuna usunakarusa puriwxaraki.

Ukhamayxipana, wakisiphawa kunathsa jichha pacha jaqinakaxa yapu uywaña jani khusa yatxapxi, ukhamasa Pachamamarusa janiraki aski yäqapxiti, ukaxa kunjamsa janchisaru jani walt'ayaspha, ukanka yatxataña. Uka yatxatatanakampixa akhama jiskht'awinakaru jaysapxiriksawa: ¿Kunjamsa, jichha pacha wayna tawaqunakaru, Pachamamaru aski yäqasa yapu suma uywapxañapataki yanapt'apxiriksna?



Yapunaka uñjañxata yatxatapxañäni

1

Janïra ullkasa

Amtasipxañäni, janïra ullkasaxa, askipacha jamuqapampi p'iinqchapampi aski uñxatañasawa.



Jiwra yapu chhuxrinchiri.

Laq'uniwa.
Qhillampi
jach'ikipañawa.



1 Jamuqa uñxatatasatha arsusaki jaysapxañäni.

- ¿Kunsa jamuqana uñjaptana?
- ¿Kuna arsusisasa jamuqana jaqinakaxa luraspkpacha?
- ¿Kunjama suma arunaksa jaqinakaxa yapuna arsupxi?, ¿kamsapxpachasa?
- ¿Kunjamathtsa jumaxa ukhamawa saña munta?

2 Askipacha yatxatasa, qillqaña pankasaru jiskht'awinaru jaysata qillqantapxañäni.

- ¿Kunxatsa uka qillqataxa arspacha?
- ¿Kunathsa ukhama amuya?, mä kimsa amuyu qillqantma.
- ¿Kunathsa jamuqankiri jaqinakaxa ukhamäsipkpacha?
- Uka jamuqanaka uñxatipana, ¿kunanaka yatxatañsa amuya?
- ¿Kuna kasta qillqawsa ullapxpachäñäni?



Arunaka qhananchapxañäni.

Jiwra = jupha

juyra = manq'aña achu

Jichhaxa aka sarnaqawi jamuqata ullapxañäni

Ullkasa

Ullkasaxa, sapa mayni t'aqana wakisiri amuyunakapa jakiñasawa, ukhamathwa yatiqatasasa janíra yatiqatasasa yatisinixa. Ukhamarusa, jamäsankiri amuyunaka qhansuyaraktanwa.



Aski yäqasisawa ullapxañäni.

Maya uruxa laq'unakaxa akhama sarnaqapxitayna.



Ukhamaruwa manq'atha jiwata jamach'ixa uñst'ani. ¿Kamachanisa?



Janíra maysaru ullaña makipkasaxa amuyt'añaspawha, ¿askiti yatxatasktha, kunawjcha jani qhansuyktha? ¿Sarantaskakijati, jani ukaxa wasitatha ullañacha wakisispha?



Arunaka qhananchapxañäni.

katuyanatpa = katuyätama

uñst'ani = uñstani

Akhamwa uka sarnaqawixa saraskaki.

Qhipa uruxa akhama mistsusinipkarakina.

Aka qullaxa kunaynama
ch'uxña alinakatha luratawa. Akampi
qullataxa janiwa inasa ch'uqi yapuru
laq'uxa mantkiriti.



Janipunixaya uka jamach'ixa
suyasinkchiti, sintwa
manq'ata awjitu. Chuq'i yapu
thaqiri maypita sarañani.


Janiki sarkañaniti.
Luqhiwa
manq'antchitaspha.



Akham arkapxiriksna

¿Kamachpachänisa
uka
aruskipirinakaruxa?,
¿kunjamara
tukuypachäni?
Ullaskakija, ukatha
jach'a amuyunaka
qillqaqt'arakijawa.

Ukhamatha ch'uqi yapuru paninikiwa puripxi.



Purintanwa kunjamasa.
Jichhaxa munatasaru
manq'antañani. Jiwasankiwa
uka tukuya ch'uqixa.

Manq'antañani
ukhamaxa.



Nayrajawa ch'amakt'itu.
ékamacharakituu?

P'iqlwa tuyutu
nayruxa. iiAyyy!!



Munasipanxa, janira askipacha yatxatkatawja wasitatha
ullañäsphawa.

Ullata qhiparu

Ullaña tukuykasaxa, qillqirina yatiyawi qillqatapa yatxattati janicha uka uñakipma. Ukhamarakiwa, amuyunakxata arxatapsnaxa, kuna kasta qillqatsa ullasktana uksa yatxatapxaraksnawa.



Askipacha jiskht'awinaka ullapxañäni, ukhama qillqaña pankasaru qillqantapxañäni.

1 Ullatasana qhanpacha amuyunaka jakiwsina, sixsusasa, samichasasa, jiskht'awinakaru jaysata qillqma.

- ¿Khitinakasa uka sarnaqawina jaqiptixa?
- ¿Khitisa manq'atha jiwatänxa?
- ¿Kunathsa laq'unakaxa mullasita t'ijtapxäna?

2 Wasitatha uka qillqata ullawsina, kunjamasa lurawinakaxa sari, uka qhanst'ayma.

- ¿Kuna lurawimpisa qallti? • ¿Kunarusa tukuyi?

3 Sarnaqawi qillqatatha akawja khuchuqata ullma, ukhama jaysma.



- ¿Kamsañsa payayri laq'uxa akhama arsumpi saña munpachäna?: "... ch'uqi yapu katuya sarapxañäni".
- ¿Kimsayri laq'usti, akhama arsupampi, kuna sañraki munpachäna?: "Laq'u masinaka, jani sinti k'uchisipxamti, janiwa wali samkasti".

4 Jichhaxa akayri jamuqa aski uñxatasa jiskht'awinakaru kutt'ayma.



- ¿Kunathsa uka mamaxa ch'uxña alinakatha qulla wakiypacha?
- ¿Kuna sañsa muni uka mamaxa akhama sawimpi?: "Akampi quillataxa janiwa inasa ch'uqi yapuru laq'uxa mantkiriti".

Arunaka qhananchapxañäni.



Kimsayri = kimsiri

payayri = payiri

akayri = akiri

5 Akhama qillqata khuchuqatanaka ullawsisa, amuyunaka tupayma, ukhama jiskht'awinakaru kutt'ayma.



- ¿Kuna amuyusa paypacha jamuqankiri qillqatanaka irpthapispha?
- ¿Kamsasmasa akhama siri laq'ullaru?: "Nayrajawa ch'amakt'itu, ¿kamacharakituu?"
- ¿Kunathsa mayniri laq'ullaxa akhama art'aspacha?: "P'iwiwa nayaruxa muyutu", sasa.

Kamachirixa kunathsa kunasa ukhama lurasi, ukwa arsuxa.

Kamachataxa ukhamaru puritapa qhansuyaraki.

Kamachiri	Kamachata
Mamaxa yapuparu jani laq'u mantañapatakiwa qulla wakichatayna.	Laq'unakaxa qulla mallt'awsina t'aqisiñaru puripxäna.

6 Yatiqiri masinakasampi aruskipapxañäni.



- ¿Jamuqani sarnaqawi qillqatana arsutakaxa wakisiriti? ¿Kunathsa?
- ¿Kunathsa jaqjama arsurinakani jamuqaspacha?
- ¿Uka qillqatana yatiwinakapa apnaqasmati? ¿Kunjamsa?

Jichhaxa mä jamuqani sarnaqawi qillqapxitirisnawa. Ayllusana yapu uñjañata qillqapxañäni.






Yaqha markanakana yapu uñjaña ullapxañäni

2

Janïra ullkasa

Janïra ullkasaxa qillqaña pankasaru qillqantapxañäni. ¿Kuna yatiyawinaksa uka qillqatana jakipxiriksna?

P'iinqincha uñjxatipana, ¿kunjamsa yaqha markanakana phirijula yapu uñjapxiripacha?



Phirijulatha laq'u jark'aqaña

Ch'umi manqhana utjasirinakaxa, Sapuyna aylluna tunqu, arusa, phirijula, yaqha achunakkuna yapuchapxi. Uka suyuna akhamawa chhichhirankha, jamach'inaka, laq'unaka phirijulatha jark'aqasipxi.

Yaqhipa jaqinakaxa yapunakatha jark'asiña waliwa yatipxi. Phirijula suma jiltasa achuqañatixa jamäsa yatiyanakampi jark'aqapxi. Mä jamäsa yatiyaxa akhamawa: Laq'utha jark'aqasiñataki, mayja wakichata thuqupxi, jamach'inaka jawsasisa laq'unakaru manq'antañapataki. Uka jamasa yatiña jaqi tamatha tamaruwa yatiyasipxixa.



"Nayraqataxa, mä jisk'a lata, jisk'a lawa wakichaña, ukhamarusa janiwa khitisa yatiñapati. Niya wallpa art'a qhantati uka pachawa yapuru saraña. Yapunkasina isinaka apsusisa q'arachichsusíña, ukathwa jisk'a lataru lawampi jawqt'asisa thuquña taqi jamach'inakaru (wanchaku, suy suy, waka muchachu, lukriru, yaqhanakampi) jawst'asisa thuquña. Akhama sasa: "phunchawixa qalltxiwa laq'unaka manq'iri jutapxma", sasa.

Ukatha phirijula yapuru thuqt'asisa muytaña, janiwa khitimpisa uñjayasiñati tukuyxasina jank'akiwa isintasiña. Paya, kimsa uruthxa jamach'inakaxa laq'unaka manq'antxapxiriwa.

Desiderio Melendez Tello.
Ayllu Sapuyna, distrito Bagazan, región Iquitos

Ullkasaxa
yatiyawinaka
thaqapxañäni,
ukhamawa
yatxatapkañäni.

¿Kunjamsa yanasipxañäni?

Yatiwinaka
qhansuyañatakixa
wasitatha,
wasitatha
ullarma.

Qillqata
ullarkanta ukjaxa,
suma amuyuni
amuyunaka
samiñchantawa.



Arunaka qhananchapxañäni.

Q'arachichi = mach'a lata = jaruchi jank'aki = k'ataki

Ullaña tukuykasa

Ullaña tukuykasaxa, qillqirina yatiyawi qillqatapa yatxattati janicha uka uñakipma. Ukhamarakiwa, amuyunakxata arxatapsnaxa, kuna kasta qillqatsa ullasktana uksa yatxatapxaraksnawa.



Askipacha ullawsina qillqaña pankasaru qillqantapxañäni.

1 Qillqatana kutt'ayawinakapa jakiwsina qillqantma.

- ¿Kuna achunaksa Sapuyna aylluna yapuchapxi?
- ¿Kuna uywanakasa phirijula yapuru pisipayiri?
- ¿Kujamsa laq'unaka manq'antapxañapataki jamach'inaka jawsapxi?

2 Akhama kamachirinaka ullawsina amuyunakampi phuqachma.

- Yaqhipa jaqinakaxa mayja yatiwinakapa lurapxixa...
- Jamach'inaka jawañataki yapuna thuqupxixa...
- Mä, paya, kimsa uru uka sikritu luratathxa...

3 Jichhaxa akayri kamachatanaka ullarakma, ukhama nayraparu amuyunaka phuqachma.

- Ukhamattha laq'unakaxa yapuna chhaqtixiwa.
- qhipäxara alwawa jamach'inaka jawsapxi.

4 Yatiqiri masinakasampi aruskipasa akayri jiskht'awinakaru jaysapxañäni.

¿Uka qillqatana yatiyawinakapaxa
wakisiriti? ¿Kunathsa?

¿Yaqha
markanakana
yapu uñjañanaka
yatiñaxa
wakisiriti?
¿Kunathsa?



¿Sapuyna aylluna,
jiwasa ayllusana yapu
lurañanakana, kunasa
ukhampura, kunasa
yaqha yaqharaki?

¿Ullatasa yatiyawinaka
apnaqasmati? ¿Kunjamsa?

2

Yapunaka apthapipxañäni

T'aqa



Yapu apthapi pachanktanwa, taqiniwa ch'uqi, apilla, ulluku, isañu llamayuri sarapxañäni. Ukhamarakiwa siwara, jawasa, alwirja katurisa sarañasa. Llamayuña qalltañatakixa taqini uywirinakasaruwa jawst'ayañasa. Jupanakawa yapu uyaña suma yanapapxistuxa.

Yaqhipawjanakana ist'apxaraktanwa akhama arsutanka: pisikiwa achuqi, ch'uqixa laq'untatawa, juphaxa thuthana pisiptayatawa, jawasasa qasawina katutawa, sasa. Yapunaka suma wakt'añapatakixa, taqini phuqata yanapirinakaru yäqañapuniwa, sasawa jiliri jaqinakaxa iwxasipxarakiri. Jani ukhama lurataxa, Pachamamasa t'aqisiwa; ukatha janiva suma achunakapa waxt'asxchistuti, sasa.

Ukathwa, yapu apthapiñxata yatxatañaxa aski wakisxi. Ukampixa akhama jiskhinakaru kutt'ayapxiriksawa: ¿Kunjamasa, aski khusa yapunaka achuyapxañapataki, wilamasinakaru yanapapxiriksna?



Uñxatapxañäni

1

Janïra ullkasa

Amtasipuntawa, janïra mä qillqata ullkasaxa, p'iqinchapa, ukhamaraki jamuqapa uñarañawa, kuna yatiyanakasa ukana jiwasataki utjasphawa.



Aka jamuqa uñxatapxañäni, ukhama qillqata ullanrapxañäni.

Wajaxa janiwa
nayra maranakjama
wali sumäkiti.
éKunathsa
ukhamäpacha?

Aka ch'uqinakaxa
wali jach'anakäskiwa,
ukathxa ékunathsa wali
sirk'iraräpachaxa?

Ukaxa Riyisa
simanana yazu
luratawa ukhamayri
sapxiriwa.

¿Kunsa
yatiqantaxa?

Nayranchañäni.
Akana
qillqatampi
yatitasanakampi
chikt'añäni.



1 Uka jamuqana qillqatanaka ulla aruskipapxañäni, ukhama akayri jiskhinakaru kutt'ayapxañäni.

- ¿Kunsa aka jamuqana jaqinakaxa luraspipki?
- ¿Kunjamatshwa wawanakaxa yazu apthapiñana yanapapxi?
- ¿Kunjama sutini suma ch'uqinaksa apthapipxirina?
- ¿Kunxatsa aka jamuqaxa yatiyistu?

2 Walipacha yatxatapxañäni, ukhama, qillqaña pankasaru jaysatanaka qillqantapxañäni.

- ¿Kunxatsa alaya jamuqana jaqinakaxa parlasipki?
- ¿Kunxatsa aka qillqataxa arspachäni?
- ¿Kuna uñanchirisa uka arsutajaru yanapt'aspha?
- ¿Kunathsa ukhama jaqinakaxa aka jamuqana parlasipki?
- Jamuqa uxatawsinxo, ¿kuna yatiyaw i jakiñsa muntaxa?

Ullkasa

Amtasipuntawa: qillqata ullarkanta ukjaxa, sich'intanta, samichanta, ukhamawa. Qhiparuxa ukampiwa jiskht'awinaka aski amuykasa kutt'ayantaxa.



Akhama qillqata ullapxañäni.

Patapampa uraqina ch'uqi uñäsitapa

Walja jaya nayra maranakana jiwra yapuchiri jaqinakawa utjirítayna, jupanakaxa k'achatha k'achatha pisiki jiwra manq'a mayni jaqi masinakaparu jiwarayañataki churxatayna.

Ukhamäpanxa jaqinakaxa jani manq'atha jiwañataki, Tata Intiru ukhamarusa Pachamamaru mayisiriwa sarapxirítayna. Jupanakaxa suma muxsa muruq'u jathanaka churanirítayna satañataki.

Satataxa suma alinkunakani uraqi pampana sajunampi chupikampi panqarxitayna. Ukhama uñjasa jiwra phawiri jaqinakaxa janiwa phiñasipkänati, kunathtixa jupanakawa yapu apthapisiña amuyusa amtapxitayna.

Kunapachatixa ch'uqi alinkunakaxa wali q'illurtxitayna, ukhamarusa mak'unkunakasa puqurxitaynaxa, akatjamatha jiwra yapuchiri jaqinakaxa, jutawsina, q'ala yawthapisa apasxapxitayna.

Ch'uqi satiri jaqinakaxa mayampi Tata Inti, Pachamama thiyyaru mayisiri sarapxatayna. Ukanxa, akatjamatha mä aru alaya pachatha ist'apxitayna: "Ch'uqi sukanaka llamaytapxma, uka manqharu imantatäskiwa. Ukaxa suma chuymani jaqinakatakiwa". Ukhamatwa uraqi manqharu ch'uqixa achuqaraki ukatha jichhürunakkama ch'uqixa suma imatäxisa yapuchatäxisa.

Uka pachatha, uywanakampi, jamach'inakampi, quqanakampi, apu achachilampi, mama qutampi, taqinimpi, suma qamatawa utjarakixa.



¿Kunjamasa lurantaxa?

Amuyañatakixa aka qillqata walipacha uñxatañasawa, jiwasana yatitasampi tupayañataki.

Ukxata masinakasampi aruskipapxañäni, ukhamawa jiskht'awinaka, sapa maynina amuyupampi jakisiyasa, wali yatiqapxañäni.



Arunaka qhananchapxañäni.

mak'unku = murmunk'u suka = wachu manqharu = manqhiru jiwra = jupha

Ullaña tukuyataru

Ullaña tukuykawsinxa, qillqirina yatiyatapa yatxattati janicha uka amuyt'asma. Ukhamarusa uka qillqatxata lup'itama arsurakismawa.



Jichhaxa jiskht'awinakaru kutt'ayapxañäni.

1 Ullatasana qhanpacha amuyunaka jakiwsina, sixsusasa samichasa, jiskht'awinakaru jaysata qillqma.

- ¿Khitinakasa uka siwsawi qillqatana arsupxi?
- ¿Kunsa Tata Intimpi Pachamamampixa satapxañapataki jaqinakaru churanirítayna?
- ¿Kunjama saminakanisa satata alinakaxa panqarirítayna?

2 Akayri qillqata wasitatha ullapxañäni ukhama jiskhinakaru jaysapxañäni.

Ch'uqi satiri jaqinakaxa mayampi Tata Inti, Pachamama thiyyaru mayisiri sarapxatayna. Ukanxa, akatjamatha mä aru alaya pachatha ist'apxitayna: "Ch'uqi sukanaka llamaytapxma, uka manqharu imantäskiwa. Ukaxa suma chuymani jaqinakatakiwa".

- ¿Kunathsa ch'uqi satiri jaqinakaxa tata Inti, Pachamama thiya mayampi mayisiri sarapxäna?
- ¿Khitisa akhama arsunpachäna?: "Ch'uqi sukanaka llamaytapxma, uka manqharu imatäskiwa, ukaxa suma chuymani jaqinakatakiwa", sasa.
- ¿Kunasa sukanaka manqharu imatäskpachäna?

3 Jichhaxa, lurasiritaparjama, 1, 2, 3, 4 jakhumpi kupixaparu uskusa, ukhama sixtpacha qillqaqma.

Uka pachathawa taqini jiwasa jak'ankirinakampi suma qamataxa utjxarakí.

Mayni jaqinakaxa, jani jiwañataki, Tata Intiru, Pachamamaruwa mayisiri sarapxitayna.

Tata Intixa, "ch'uqi sukanaka llamaytapxma, uka manqharu imatäskiwa...", sirítaynawa.

Jiwra yapuchiri jaqinakaxa mayni jaqi masinakaparu, jiwañapataki, pisiki jiwra churxatayna.



Arunaka qhananchapxañäni.

suka = wachu manqharu = manqhiru jiwra = jupha

4 Ullatasatha amuykipasa akhama jiskhinakaru kimsa amuyumpkama sapa mayniru kutt'ayma.

- ¿Kunjamänasa jiwra yapuchiri jaqinakaxa?
- ¿Kunjamarakinasa uka mayni jaqi masinakaxa?
- ¿Kunjamänasa Tata Intimpi, Pachamamampixa?

5 Walipacha yatxatapxañäni, ukhama qillqaña pankasaru jaysatanaka qillqantapxañäni.

- Jiwra yapuchiri jaqinakaxa jani manq'atha jiwapxañapataki mayni masinakaparu pisiki jiwra churxäna.
- Tata Intiwa alaya pachatha arsunirítayna: "Ch'uqi sukanaka llamaytapxma, uka manqharu imatäskiwa...", sasa.
- Maya jani uñt'ata jaqiwa ch'uqi jatha jayatha apanitayna.
- Muruq'u jatha satiri jaqinakaxa, janiwa ch'uqi uraqi manqharu achutapa yatipkäni.

Chiqapa amuyatanaka	Jani chiqapa amuyatanaka

6 Ullatasatha askipacha lup'ipxañäni, mayni mayni arxatapxañäni ukhama qillqaña pankasaru qillqantapxañäni.





Janïra ullkasa

Qillqatana sutipa ullañäni, ukhamarusa rixsutanaka uñxatapxañäni, ukarjamawa jiskht'awinakaru kutt'ayañäni.

Aski k'achataki aka qillqata uñarma, ukhamaraki arunaksa uñt'ma, ukankawa, kuna kasta qillqawitapsa, yanapanatpaxa.



Pachamanka phayañataki

Paya tunka jaqitaki wakichaña munasirinaka.

Wakisirinaka:

- Uwija chara aycha
- 20 jumint'a
- 20 ch'uqi
- 20 apichu
- Jawasa
- 10 chhuxllu (payaru irjata)
- Wayq'a sillp'i
- Jayu



Janïra mä qillqata ullkasaxa, qillqatana sutipa ullañawa, ukhamarakiwa jamuqapasa uñaraña. Ukanwa kuna yatiyanakasa jiwasataki utjasphaxa, uka yatxatañasawa.

Jichhaxa, aka jiskht'awinakaru kutt'ayapxañäni.

- ¿Kunxatsa aka qillqataxa yatiychitaspha?
- ¿Kuna kasta qillqatasa akaxa?
- ¿Kuna yatiyawinaksa jiwasaru yatiystasphaxa?
- ¿Jumaxa ukhama manq'a phayañxata ulliritati? ¿kunatakisa wakisiri?

Arunaka qhananchapxañäni.



jiskht'awinaka = sikht'awinaka

yanapanatpaxa = yanapätamxa

chuxllu = tunqu puya

sayuta = sawuta

Ullkasa

Amtasipuntawa, ullkasaxa, sapa mayni t'aqana amuyunakapa aski katuqañasawa, ukhamathwa yatiqasktanti janicha uka qhasuyapxañänixa.



Yatitanakasa jach'anchañataki ullapxañäni.



Yaqha markanakana kunaymana manq'anaka wakichañawa utji. Jichhaxa Wankayu jaqinakana pachamanka sata lurawipa ullapxañäni.

Pachamanka phayañataki

Paya tunka jaqiaki wakichaña munasirinaka.

Wakisirinaka:

- Uwija chara aycha
- 20 jumint'a
- 20 ch'uqi
- 20 apichu
- Jawasa
- 10 chhxillu (payaru irjata)
- Wayq'a sillp'i
- Jayu



¿Kunjamsa yanasiipxañäni?

Yatiwinaka qhansuyañatakixa wasitatha wasitatha ullarma.

Wakichawi:

- Pachamanka lurañatakixa, suma p'alta qalanakawa apthapiñaxa, ukathwa mayawjaru suma muyu p'iyawa lurañaxa.
- Qalatha pirqsuta putukusti, ninampi k'atathakiwa q'uliyaña.
- Kunawrasati qalanakaxa aski q'uliyatäxi ukjaxa, maya lampampiwa patatha pataru manq'a wakichatanakasa k'achataki putuku pampäxaru uchaña.
- Nayraqatxa apichu, ch'uqi uchaña, ukatha uka patxaruraki q'ulita qalanakampi uchxataña, ukxaruraki aycha suma ajusampi, pimintampi, jayumpi wakichata uchaña.
- Q'alpacha ukaruwa suma samanchiri quranakampi uchxatañasa, jani laq'anaka mantañapataki. Uka patxaruxa uchañaskarakiwa jumint'a, jawasa, chhxillu. Uka patxaruxa wasitatha uchxatañäskarakiwa qura laphinakampi suma samanchañataki.
- Tukuchañatakixa maya sayuta chusimpi janxatarakirisnawa, ukxaruraki laq'anakampi uchxatañasawa, uka pachamanka apsuristi aski pacha tantiyañapa, kimsatunka, jani ukaxa pusitunka k'ata saraqataruwa qhatitañapaxa.

Qillqata ullarkanta ukjaxa, suma amuyuni amuyunaka samiñchantawa.

Ullkasa yanapt'asiri lurawinaka

- ¿Aka qillqatana kuna arusa ñäraki, ñäraki uñsuxa?
- ¿Kuna juyranakasa jiwasa ayllunakana yapuchataxa?
- ¿Aka manq'axa jiwasaru wali ch'ama chuririti?



Ullaña tukuyataru

Jichhaxa, jiskht'awinakaru jaysapxañäni.

1 Qillqata kikipankiri amuyunakampi kutt'ayapxañäni.

- ¿Pachamanka wajañatakixa kunanakasa munasixa?
- ¿Qhawqha jaqitakisa wajapxani?, ¿purt'aniti?
- ¿Nayraqataxa kunasa allintañaxa, ukjxaruxa kunasa apxataña?
- ¿Kunjamsa uka pachamanka phayawixa tukuyi?

2 Ullatasara amuykipasa aka jiskht'awinakaru kutt'ayapxañäni.

- ¿Kunxatsa uka qillqataxa jilapacha arsu?
- ¿Kunatakisa q'ulita qalanakampi ch'uqi patxaru uchxataña?
- ¿Kamachasphasa jani chusimpi janxatataxa?
- ¿Chusimpipuniti janxatasispha, jani ukaxa yaqha isimpi wakisirakisphacha?

3 Ullatasatha askipacha lup'ipxañäni, taqinixata arxatapxañäni, ukhama qillqaña pankasaru qillqantapxañäni.



3

T'aqa

Juyphina kamachinakapa yäqapxañäni



Kuna pachati juyphi purini ukjaxa, markansa pampansa sinti thayawa. Maya sipanxa uka juyphixa wali khusawa jiwasatakixa, ukampipuniwa ch'uñsa ch'uñupxtana, tuntsa tuntapxtana, aychsa chalunapxaraktana. Jani aski khusa isthapisiptana ukjaxa, uju usumpisa, phalsu usumpisa sinti usuntapxaraksnawa, jilapachaxa, jisk'a wawanaka, jiliri tata mamanakaru uñjapxañasawa.

Uka pachankarakiwa Mara t'aqaxa, yaqhipaxa Willka cuti, Machaqa mara sapxarakiwa. 21 uru junyu phaxsitha saraqtankiwa, uka uruwa jak'a inti pachaxa tukuyi, jaya intiruwa ukjatha sarxaraki. Ukhamatha juk'atha juk'atha thayaxa sarxani, junt'u pacha jallu pachawa kuttanxarakini.

Jani juyhi utjkasphaxa, janiwa, ch'uñsa, tuntsa, lurapkirsnat, jupapuniwa aycha chalunañsa yanapchistuxa. Ukatha askipacha yatxatañasawa wakisixa, akhama jiskht'awinakaru kutt'ayañati: ¿kunjamathsa wilamasinakasar, jani usuntasisa juyphina kamachinakapampi aski sartaña, yanapapxiriksna?



Juyphina kamachinakapatha k'atampi yatxatapxañäni

1



1 Jamuqa uñaxatatasatha aruskipasa arsumpiki jaysapxañäni.

- ¿Kunsa jaqinakaxa jamuqana lurasipki?
- ¿Khitirusa uñachayiri tataxa arxayaski?
- ¿Kuna yatita arunakampisa warawaranaka uñachayaskpacha?
- ¿Kuna yaqha arunakampisa äläxa pachankiri warawaranaka uñachaykiripacha?

2 Askipacha yatxatasa, qillqaña pankasaru jiskht'awinaru jaysata qillqantapxañäni.

- ¿Kuna qutuchata warawaranakasa juyphi sank'awi jutañapa yatiychistuxa?
- ¿Kunjamsa juyphi katuqañataki jaqinakaxa wakichasipxi?
- ¿Kuna jach'a phunchawisa Suni suyuna uka thaya pachanxa utji?
- ¿Kunjamsa aymara markana machaqa mara phunchachapxi?



Arunaka qhananchapxañäni.

Juyphi sank'awi = juyphi sansawi

uju = ch'uxu


Janïra ullkasa

Janiwa armantati, janïra ullkasaxa, qillqatana p'iinqinchapampi jamuqapampi askipacha uñxatañasawa, ukhamarakiwa machaqa arunakapsa.



Askipacha uñjatapxañäni ukhama jiskhinakaru jaysapxañäni.

MACHAQA MARA



1 Ullañasa tuqitha nayrt'ayapxañäni.

- ¿Kunxatsa uka qillqataxa arspacha?
- ¿Kunanakasa jumaru, kunjama kasta qillqata ullapxañäni, uka amtasiytamxa?
- ¿Kunathsa jamuqankiri jaqinakaxa ukhama arsuskirjamäpacha?, ¿kunsa arsupxpacha?
- Uka jamuqa uñxatasaxa, ¿kuna yatiwinaksa jakpachanta?

2 Askipacha yatxatasa, qillqaña pankasaru jiskht'awinaru jaysata qillqantapxañäni.

- ¿Kuna kasta qillqatsa ullapxañäni?
- ¿Ukhama kasta qillqatana mä qhawqha uñnaqanakapa arsupxirüsнатi?
- ¿Khitisa ukhama qillqanpacha?

3 Yatitasa amtasipxañäni.

- ¿Kunjamasa maya uñjawi qillqataxa?
- ¿Kuna arunakampi qillqañasa uka uñjawinakaxa?
- ¿Kuna kasta yaqha qillqatanakasa uñjawi qillqatjama utjaraki?

Ullkasa

Amtasipunintawa, ullkasaxa, sapa mayni t'aqana amuyunakapa
aski katuqañasawa, ukhamathwa yatiqasktanti janicha uka
qhansuyapxañänixa. Ukhamarusa, amuyunaka qhansuyapkañäniwa.



Ullt'apxañäni.

Machaqa mara

Machaqa maraxa 21 uru saraqata, mara t'aqa phaxsina uruchasi. Willka cuti (Inti tata) sutimpi uñt'atarakiwa, uka phunchawinxo yaqhipa ayllunakana kunaymana thuqupxi, ukhamaraki Pachamamaru (uraqpacha taykasa), ch'allapxi, luqtapxarak'i.

Ukana yatirixa siwa: "Willka tata kutt'aniwipatha akantana, machaqa ch'ama katuqañäni, Willka tataxa machaqa kamachi kunaymana lurañataki churasi, ukhamarusa jichhürutha uksaruxa kunsa machaqa sartawimpi lurañäni, pacha kutinitaru mantkäsina", sasa. Ukaxa mä waxt'awa (kunaymana muxalanaka, winu, kuka, iñsinsu, panqaranaka, quwa, yaqhanakampi) yupaychasa luqtañataki wakichasixa. Ukampisa phayañanakampiwa suma wakicht'aña waxt'a churañatakixa, janira Inti tata jalsunkipana ninampi phichantaña".



¿Kunjamasa lurantaxa?

Amuyañatakixa aka qillqata walipacha uñxatañasawa, jiwasana yatitasampi tupayañataki.

Ukxata masinakasampi aruskipapxañäni, ukhamawa jiskht'awinaka, sapa maynina amuyupampi jakisiyasa, wali yatiqapxañäni.

Uruchasiwimpixa qalltarakiwa, Willka tatana kutt'anitapa, mara t'aqampi wasitatha jakintasitapa, ukhamatha pachaxa kuttanxi, ukhamarusa, uka urutha uksaruxa urunakasa jayaruwa sarxani, arumasa jak'aru kuttanxarakini.

Jiwasanakaxa achachilanakaru (apunaka) taqi chuymampi mayt'asisawa yäqañasaxa, (k'umara jakaña, irnaqaña, yatiqaña, k'uchiñataki) ukhamatha ayllusana suma jakawi utjañapataki.

Ullkasaxa akhama lurawinakawa wakisi


- Nayraqataxa mayayri t'aqa ullma, janïra qhana yatxatkstasti, wasitatha ullma.
- Ukhampacha "Machaqa mara" qillqatana mayniri t'aqanakapa ullma.
- Jakita qhana amuyunaka samichma. Wakisirijaki samichma.



Jichhaxa qillqaña pankamaru akayri jiskhinaraku kutt'ayma.

¿Kunasa 21 uru junyu phaxsina utji?

¿Kunanakampisa Pachamamaru luqtaña?



¿Kunathsa Pachamamaru luqtañaxa wakisi?

¿Kunathsa Pachamamaru yäqapxañasa?

Ullaña tukuyataru

Ullaña tukuykawsinxo, qillqirina yatiyatapa yatxattati janicha uka amuyt'asma. Ukhamarusa uka qillqatxata lup'itama arsurakismawa.



1 Ukhamaxa, ullatasana jiskhinakana kutt'ayanakapa thaqtma, munstaxa samichaskarakismawa, ukhama jaysawinaka qillqaqma.

- ¿Kunxatsa uka qillqataxa arsu?
- ¿Kuna urusa aymara markana machaqa marapaxa?
- ¿Kuna yayanaksa luqtañataki apnaqapxi?
- ¿Kunanaksa yatiri tataxa Inti tataru mayt'araki?

2 Wasitatha ullatama uñakipaskakma, ukatha kunjamasa qallti, kunjamasa tukuyi uka yatxatma.

- ¿Kunjamsa uka luqtawixa qallti?
- ¿Kunarusa tukuyi?

3 Qillqatatha akawja khuchuqata ullma, ukhama jaysma.

Ukana yatirixa siwa: "Willka tata kutt'aniwipatha akantana, machaqa ch'ama katuqañäni, Willka tataxa machaqa kamachi kunaymana lurañataki churasi, ukhamarusa jichhürutha uksaruxa kunsa machaqa sartawimpi lurañäni, pacha kutinitaru mantkäsina", sasa.

- ¿Kunathsa machaqa maraxa 21 uru junyu phaxsinki?
- ¿Kunsa Machaqa maraxa jiwasaru iwxchistu?

4 Akayri khuchuqata t'aqanaka wasitatha ullma ukhama jiskhinakaru tutt'ayma.

1 qillqata

Uruchasiwimpixa qalltarakiwa, Willka tatana kutt'anitapa, mara t'aqampi wasitatha jakintasitapa, ukhamatha yapunaka satañasa qalltañataki, ukhamarusa, uka urutha uksaruxa urunakasa jayaruwa sarxani, arumasa jak'aru kuttanxarakini.

2 qillqata

Jiwasanakaxa achachilanakaru (apunaka) taqi chuympampi mayt'asisawa yäqañasaxa (k'umara jakaña, irnaqaña, yatiqaña, k'uchiñataki) ukhamatha ayllusana suma jakawi utjañapataki.

- Uka ullipana, ¿Kuna sañsa munpacha "Willka tatana kutt'anitapa"?
- ¿Kuna amuyusa paninpacha ullata t'aqanaka chikthapiyaspha?

5 Ullatasatha aski lup'ipxañäni ukhama jaysapxañäni.

- Jumana amuyumatha, ¿Pachamamaru luqtaña munasipuniti janicha?, ¿Kunathsa?
- ¿Ayllumana ukhama luqtawinakaxa utjaskiti?, ¿kunjamäskisa?
- ¿Kunathsa aymara markana machaqa marapaxa 21 uru junyu paxsinki, kunathsa jani iniru phaxsinkpacha?



Arunaka qhananchapxañäni.

akayri = akiri

Willka tata = Inti tata

lipp'iyañani = lip'iyaña



Janíra ullkasa

Amtasintawa, janíra ullkasaxa, p'iqinchapampi jamuqanakampi aski uñxatañasawa. Ukhamarakiwa machaqa arunaksa aski yatxataña.



Jutiri jamuqa uñxtañäni ukhama, kuna qillqatasa, uka amuyt'apxañäni.

- Kuna qillqatasa ullpachäñäni?
- ¿Kunathsa llip'iyaña qillqataxa aski wakisiri?
- ¿Kunjamasa llip'iyaña qillqatanakaxa?
- ¿Wakisiriti ukhama qillqata ullañaxa?



Ullkasa

Amtasipuntawa, ullkasaxa, sapa mayni t'aqana amuyunakapa aski katuqañasawa, ukhamathwa yatiqaskthanti janicha uka qhansuyapxañänixa. Ukhamarusa, amuyunaka qhansuyapkañäniwa.



5 532 MACHAQA MARA KATUQAPXAÑÄNI

Jutapuntawá markamasi



Pachamamaru luqtawi

4.00 alwa: Kaplina qulluru puriwi.
4.30 alwa: Pachamamaru waxt'aña.
5.00 alwa: Machaqa mara katuqaña.
5.15 alwa: Arxatt'awi.
5.30 alwa: Umantawi.
6.00 alwa: Ququsíña.
7.00 alwa: Thuqt'awinaka.

Kamachapxañänisa

Mayjapacha amuyunaka wasitatha ullapxañäni.
Uka amuyunaka rixintapxaraksnawa, jani ukachaxa samichapxañänisa.
Yatxatatasa jiskht'asisa kutt'ayasa yant'apxañäni.

21 uru junyu phaxsi

Phunchachirinaka

Kaplina Qulluna, Tajna markankaniwa

¿Kunanaksa ullkasaxa lurapxañäni?

- Aski yäqasisa uka qillqata ullapxañäni. Askipacha ullawsina jiskht'asipxañasawa.
- ¿Uka llip'iyaña qillqataxa machaqa mara amtañataki munasipunpachati?
- ¿Kunjama lurañäpachasa llip'iyaña qillqataxa?



Ullaña tukuyataru

Ullaña tukuykawsinxa, qillqirina yatiyatapa, yatxattati janicha, uka amuyt'asma. Ukhamarusa uka qillqatxata lup'itama arsurakismawa.



1 Llip'iyaña qillqatana yatiwinakapa jakisa jishhinakaru jaysapxañäni.

- ¿Kawkinkanisa machaqa mara phunchachawixa?
- ¿Kunanaksa jawsayatanakaxa apanipxañapa?
- ¿Kuna urusa phunchachasini?

2 Wasitatha ullasa kutt'ayapxañäni.

- ¿Kunxata qillqatas?
- ¿Kunatakisa Pachamamaru machaqa marana luqtapxani?
- ¿Khitinakatakisa uka llip'iyaña qillqataxa?
- ¿Kunasa kamachaspha jani Pachamamaru luqtataxa?



Jiwasaxa llip'iyaña qillqata lurasipxarakinäni. Ukaxa jaqinaka thayana jani usuntapxañapatakiñapawa.



4

T'aqa

K'umaräñataki isi wakichasiñäni



Juyphi pachanxa sinti thayjatawa janchisaxa uñjasi. Ukaxa thaya usunakampiwa irpantasi. Jilapacha jisk'a wawanaka, sinti chuymani jaqinaka, jupanakawa k'ataki usuntapxi. Jurma usu, k'aja k'aja usu, phalsu usu ukhamawa katusiri. Ukhamarusa thayanxa purakasa wallaqtasirakiwa. Uka usunakaxa, jani k'ataki qullqtasita, jiwañarusa puriyarakistaspawa.

Ukathwa, thaya pachana janchisa suma isinakampi jark'aqasiñxata ullaña wakisxixa, uwisa t'awratha p'itata, allphachu t'awratha sawuta isinakampi isthapisiñataki yatxatañarakiwa.

Ukanakxata pankanakana jakitasaxa, akhamjama jiskht'awinaka kutt'ayaña yanapchistani: ¿Kunjamsa wilamasinakaru yapt'apxiriksna, thayatha jark'aqiri isinaka, jiwasá taypina utjiri t'awranakampi sawupxañapataki?



Masinakamampi akiri jamuqanaka uñxataawsina aruskipapxma.



1 Akhama jiskht'awinakaru jaysapxañäni.

- ¿Kunsa akiri sapa mayni jamuqana warminakaxa lurasipki?
- ¿Kunanaksa wilamasinakaxa janira juyphi jutkipana, juyphi pachansa lurapxiri?
- ¿Kunsa akiri jamuqanakaxa yatiyistuxa?
- ¿Kuna suma arsuñanaksa sawuñana arsupxpacha?

2 Jichhaxa akiri jishkinakaru kutt'ayma.



- ¿Kunanaksa jamuqankiri warminakaxa lurasipki?
- Jamuqa uñxatipana, ¿kuna yatiwisa jutiri qillqatana utjpachäni?
- ¿Kunxatxa ullpachañäni?, ¿kunathsa ukhama amuyta?



Arunaka qhananchapxañäni.

jiskhiña = sikhiña

jiskht'awi = sikht'awi

Janïra ullkasa

Janïra ullkasaxa, qillqatana p'iqinchapampi jamuqapampi askipacha uñxatañasawa, ukhamarakiwa machaqa arunakapsa.



1 Masinakamampi akiri jiskht'awinakxata aruskipapxma.

- ¿Kunsa sawutanakxata yatitaxa?
- ¿Jumaxa sawutanakxata qillqata ulliritati?
- ¿Kunjamsa sawuña, uka yattati?
- ¿Kunjamsa wawanakaxa sawuña yatiqasipki?



2 Jutiri jamuqa uñxatma, ukhama qillqaña pankamaru jiskhinaka kutt'ayma.

Nayrt'ayañäni

Yatitasampi,
luratasamtaisa,
qillqatana
aski amuyupa
nayrt'ayañäni.

Sawuri imilla wawa

Suma amuyunaka tilantiri lulu,
qharaya wankatamaru saminaka tinkuyiri,
chuymajaru purirpacha yatiwinaka sawt'arapita,
chiqapa lurasiri ch'ullqi amparamampi yanapt'asita.

Pachamamana uywata imilla wawa,
mama t'allana churata amparani,
phuqata saltani quña chusi sawt'arapitasma,
jilaqata katuqaña wayruru punchu sawt'arapitasma.

Llamp'u chuymani sawuri kullaka,
panqaranaka uñtanpacha saminakan sawt'iri,
llamp'u amparamawa suma saminaka ajllirapitu,
jakawija, sapa uru, sapa arumawa k'uchisiyitu.

Chiqaparu jakaña sawuri warmi,
Intina, Phaxsina ch'amapa churatani,
kunaymana saltani k'uchi amuyuja sawurapista,
Mallkuna yatiwinakapampiwa p'itakipt'arapista.

Leoncio Sejje Mamani



- ¿Kuna aski wakisiri yatiwsa qillqatana jakipxañäni?
- ¿Kunxatsa yatiychistani?
- ¿Kuna kasta qillqatsa ullpachäñäni?
- ¿Kunathsa ukhamawa sista?

Arunaka qhananchapxañäni.



sawuña = sayuña

Ullkasa

Amtasipunintawa, ullkasaxa askipacha sapa mayni t'aqana yatiwinaka saratapa aski ist'añasawa, ukhamatha, yaxtataktanti janicha, uka yatxañasataki.



Jichhaxa aka qillqata ullapxañäni.

Sawuri imilla wawa

Yatiwinaka
thaqapxañäni
ukhama
jakipxañäni.

Suma amuyunaka tilantiri lulu,
qharaya wankatamaru saminaka tinkuyiri,
chuymajaru purirpacha yatiwinaka sawt'arapita,
chiqapa lurasiri ch'ullqi amparamampi yanapt'asita.

Pachamamana uywata imilla wawa,
mama t'allana churata amparani,
phuqata saltani quña chusi sawt'arapitasma,
jilaqata katuqaña wayruru punchu sawt'arapitasma.

Llamp'u chuymani sawuri kullaka,
panqaranaka uñtanpacha saminakani sawt'iri,
llamp'u amparamawa suma saminaka ajllirapitu,
jakawija, sapa uru, sapa arumawa k'uchisiyitu.

Chiqaparu jakaña sawuri warmi,
Intina, Phaxsina ch'amapa churatani,
kunaymana saltani k'uchi amuyuja sawurapista,
Mallkuna yatiwinakapampiwa p'itakipt'arapista.

¿Kunjamsa lurapxañäni?

Sapa mayni
t'aqana aski
wakisirinakapa
samichasmawa.

Mayiri t'aqa
wasitatha
ullma. ukathxa
wakisirpacha
amuyupa
samichma.
Mayniri
t'aqanakanana
ukhampacha
lurarakma.

Leoncio Sejje Mamani.

Arunaka qhananchapxañäni.

sawuri = sayuri

wankaña = q'uchuña = warurt'aña



Ullasisa lurawinaka.

- 1 "Sawuri imilla wawa" qillqata ullatamana jakitamarjama, arunakamampi jiskht'awinakaru kutt'ayma.



- 2 Chiqati janicha ukaru maya sich'impi chimp't'ma.

Jarawinkiri amuyunaka	Jisa	Janiwa
Suma amuyuni sawuri kullaka		
Jani munatajwa sarurapista.		
Pachamamana uywasita tawaqu.		
Janq'u punchu sawurapitasma machaqa mara katuqañataki.		
Sapa uru sapa arumawa jakawija kusisiyitu.		
Uraqina jani chiqapa sarnaqiri imilla.		
Kunaymana saltani k'uchi amuyuja sawt'arapista.		

- 3 ¿Punchu sawuñataki, chusi sawuñatakixa ukhama amuykipaña munaspachati? ¿Kunathsa?



Arunaka qhananchapxañäni.

mayiri = mayayri

sawuri = sayuri

Ullaña tukuyataru

Jarawi ullaña tukuykasaxa, qillqirina yatiyawinakapa yatxattati janiracha, uka amuyt'asma. Ukhamarusa, jumana amuyutama qillqantarakismawa.



1 Ullaña tukuykasaxa, jaysatanakaru jakitama qillqaña pankamaru qillqantma.

- Qillqatana sipana, ¿khitisa Pachamamana uywataxa?
- ¿Kunjamasa sawuri imilla wawana amparapaxa?
- Ullatasa qillqatanjama, ¿kunjamsa punchuxa?
- ¿Kunathsa punchuxa sultanakanixa?

2 Pankamaru akhama uñnaqani rixsma. Ukaru, kunxatsa sapa mayni t'aqana arsu, uka qillqantma.

1 t'aqa	Sawt'arapita sasawa mayt'asixa.
2 t'aqa	
3 t'aqa	
4 t'aqa	

Uka
kutt'ayatanakaxa,
jisk'a amuyunaka
satawa.

3 Uka wakichataru phuqantaykasaxa, akhama amuyu ullarakma.

¿Jumaxa yatiitati?

- Qillqatana chuyma amuyupaxa, jisk'apacha amuyukiwa, ukawa qillqatana amuyupa phuqatpacha ch'umsuxa.



4 Jichhaxa, jiskhinakaru kutt'aykasa, akhamwa qillqatana chuyma amuyupa apsusmaxa.

Kutt'ayañatakixa akhamanaka lurañamawa

- Nikhara luratasa uñxatma.
- Kunxatsa sapa mayni t'aqana arsu, uka yatxatañasawa.
- Taqinpacha irphapiri maya amuyuki thaqañasawa.



¿Kunxatsa jilapacha qillqatana arsuxa?

Qillqirixa:
¿Kunatakisa uka jarawi qillqpacha?

5 Masinakamampi aruskipma, ukhama qillqaña pankamaru kutt'ayma.

¿Wakisiriti qillqatana yatiwinakapaxa?, ¿kunathsa?

¿Kunatakisa, uka qillqatana, jamuqanakampi yanapayata?

Mayninaka, aka jarawi ullapxañapatakixa ¿kuna yattxatanta, sasa arunchasmaxa?

6 Yatiqatasatha lup'ipxañäni, ukhama qillqaña pankasaru jiskhinakaru kutt'ayapxañäni.

- ¿Kunjämäñapasa sawuri warmixa?
- ¿Kunjamsa uka ullañana amt'astama?
- ¿Jumataki ch'amati, jasakicha uka jarawt'añaxa? ¿Kunathsa?
- ¿Kuna jani walt'awinakampisa jakintasta? ¿Kunjamsa ukatha mistsurakta?

Jichhaxa, ayllumana mä suma sawuta uñachayirjama maya jarawi qillsma.






MARKASA LAYKU

“Ruraq Maki: Amparampi lurata”, sawu qhatuwa qallti

21uru saraqata, junyu paxsi, 2023 marana.



Uka qhatuxa taqini sawsurinakaru mayaruki
irpthapiñwa thaqi.

21 urutha 30 uru junyu phaxsikamaxa, 'Kuélap'
uta manqhana, *Ministerio de Cultura* taypina, 60
jila qutuchata sawurinakawa, amparapampi, alqa
suma sawutanakapa aljaña utt'ayapxi.

Ministerio de Cultura ukana yanapt'awipampixa,
"Ruraq Maki: Amparampi lurata", sutichata
qhatuxa taqi phuqata sawunaka aljaña 'Kuélap'
uta manqhanwa qallanti, ukanxa machaqa mara
katuqkasa 60 qutuchata sawurinakawa kunaymana
sawunakapa uñachayaña- aljaña qallantapxi.

Uka "Ruraq maki: Amparampi lurata" qhatunxa, alpachu, uwisa, wari, qira t'awratha
sawutanakwa uñacht'ayapxi; ukhamaraki tukuyuthsa, kañamasuthsa.

Ukhamarakiwa ukanxa k'ullu khitutanaka, taqi kuna uñnaqani uñachayapxi,
ukhamarusa, anataña yayanakampi lip'ichitha ch'ukutanakampi, ukhama suma
uñnaqani aski khusa lurt'atanakwa uñjiri sart'itinakaxa jakipxani.

Uka "Ruraq Maki: Amparampi lurata" uñachayawi qhatuxa, 21tha 30 urukama, junyu
phaxsina llawiratäskaniwa, 'Kuélap' uta manqha, *Ministerio de Cultura* taypina (Av.
Javier Prado Este 2465, San Borja), 10 alwa urasatha 7 aruma uraskama. Inakiwa
mantañaxa.

Ullaña tukuyataru

Ullaña tukuyäsinxo, qillqaña pankamaru jiskht'awinaka kutt'ayma.

¿Kuna kasta qillqatsa ullawtana? ¿Uka qillqatana yatiyawinakaxa
wakisiriti? ¿Kunathsa?

Juma sawu qhatunakaru saraña munasmaxa, ¿kuna yatiyawisa jumataki
wakisipha?

¿Kuna t'awranakampisa Pirü suypachana sawupxi?, ¿suyusansti?



Jumaxa maya yatiyawí qillqarakismawa, ukatakixa, yatiyawí qillqaña
askipacha yatxatma.



5

Jaqichasiritaki utachapxañäni

T'aqa



Wasitatha junt'u pacha kuttanxipanxa, yapu lurañataki wakichañaxa purinirakiwa. Ukhamarakiwa jaqichasiritaki uta utachañasa utjarakiki. Uka phaxsinarakikiwa markasanxa panichasirinakasa kasarasiña amtapxi. Junt'u khusa phaxsiwa sapxiwa taqinisa. Uka phaxsina uta utachatanakaxa khusa junt'uwa, ukhamarakiwa ukankiri wilamasinakarusa junt'uchi.

Taqi phuqata lurawinakaxa taqi phuqata jiwasampi chikäskiri uywirinakasampi amtañawa, ukhamarakiwa jiwaspurasa yanapt'asiña. Jichha pachanakaxa ukhama suma sarnaqawinakaxa chhaqtaña munirjamakiwa, ukathpï yaqhipa panichasirinakasa jaljata uñjasi, ukaxa wawanakparuwa jani waliru puriyaraki.

Ukhama sipana, taqinitakisa aski wakisiriwa yatxataña, kunjamasa utanakaxa jichha pachana utachasiski, uka tuqitha. Uka yatxatatasampixa akhama jiskht'awinakaru kutt'ayapxiriksawa: ¿Kunjamsa wilamasinakarua yanapt'apxiriksna, taqini jiwasampi chika yanapasirinakasaru yäqasisa uta utachaña, uka tuqitha?



Janïra ullkasa

Janiwa armantati, janïra ullkasaxa, qillqatana p'iqinchapampi jamuqapampi askipacha uñxatañasawa, ukhamarakiwa machaqa arunakapsa.



Panichasiritaki utachanxata



Ullaña qalltañataki lurawinaka

1 Aruskipapxañäni ukhama arsusaki kutt'ayapxañäni.

- ¿Ukhama uta luratanaka uñjiritati? ¿Kawkina?
- ¿Kunathsa maya utaxa aski wakisiri?
- ¿Khitinakasa, ukhamasa, kunjamsa utachaña yanapasipxi?
- ¿Kunjama utanaksa ayllumana utachapxi?
- ¿Kunsa uta utachañxata yatta?
- Ayllumana utanakaxa ¿Kuna yayanakatha luratasa?

Nayrt'ayapxañäni
Yatitanakasa
amtasa, kunxatsa
arspachäni,
ukwa k'achatha
k'achatha
amuyapxañänixa.

2 Askipacha yatxataso, qillqaña pankaru kutt'ayata qillqantapxañäni.

- Akhama p'iqincha sipana "Panichasiritaki utachañxata", ¿kunxatsa qillqatana arspachäni?
- ¿Kunjama chikanchataso jamuqampi p'iqinchapampixa?
- ¿Kuntakisa qillqirixa uka qillqpacha?
- ¿Kuna kasta qillqatsa ullpachañäni?

Ullkasa

Ullkasaxa, sapa mayni t'aqana wakisiri amuyunakapa jakiñasawa, ukhamathwa yatiqataso janira yatiqqataso yatisinixa. Ukhamarusa, jamaspachankiri amuyunaka qhansuyapxarakinäniwa.



Jichhaxa qillqata ullapxañäni.

Panichasiritaki utachañxata

Waranqa waranqa maranakathpachawa panichasiritaki utachañxata utjapuniritayna. Markanakasanxa, jilapachaxa, qalathwa lurapxitayna, jichhakamasa utjaskakiwa. Akhama uka utaxa utachañayritaynawa:

- Uta luraña qalltañatakixa pusi k'uchu uñnaqani sumawja uraqiru k'uypacha jurk'suña, ukaru thaxsintañataki. Yaqhapanakaxa uta simintu sapxarakia. Ukatakixa suma jach'a qalanakawa munasi.
- Thaxsintañatakixa, qalanakasti khusa jach'apachanaka suma ajllitänapawa. Ulxaruxa, suma askichata ñiq'impiwa qalltawsina apxataña.
- Ñiq'isti aski khusäñapawa. Ukasti laq'ampi, jichhu minumpi, ukhamasa, umampi warxatawsina aski ñiq'ichatänapawa.
- Uta pirqasti suma uñnaqani qalampi pirqatawa. Ñiq'ixa sapa myutana apxatañarak. Ukhamatha, qalampi ñiq'impi pirqaxa myutasawa sayt'ayatäxarak.
- Uta pirqa tukutäxipanxa, jik'unita jach'a jichhunakampiwa utachxatasi.
- Utachatarusti jisk'a p'iyanakaxa utjapuniwa; ukanka ñiq'impi liqsuñawa, jani thaya mantañapataki, juyphisa uta manqhiru jani juyphintañapataki.



Ullkasaxa
yatiwinaka
jakiñkama
thaqapxañäni.

¿Kunajamsa lurapxañäni?

Mayampi
mayampiwa
t'aqana yatiwi
utjirinaka
ullapxañäni.

Uka amyun aka
samichapxarak-
nawa.

Jiskht'awinakasa-
ru kutt'ayasawa
yatiqataso yatxa-
tapxañänixa.

Jichha tuqinxo ayllunakanxa aka lurawixa pisikixiwa. Antisasa markanakana qurpachañatakiwa suma uñnaqani qala utanaka lurapxixa. Ukaja junt'uchiwa sapxiwa, ukhamarusa janiwa Pachamamarusa majt'aykiti.



Arunaka qhananchapxañäni.

thaxsintaña = simintaña
k'uyu = q'awa = laya

liqsuña = lluch'suña
urqu qala = ch'ilala qala

Ullkasa lurawinaka



1

"Panichasiritaki utachañxata"
qillqatana mayiri t'aqa
qalltatha tukuykama ullma.
Jani aski qhanxamäkipanxa,
wasitatha ullaskakma.

- Maya t'aqa ullaña tukuyasaxa, ullatama amuyt'ma.
- Ukhamaraki mayninaka amuyt'ma.



2

"Panichasiritaki utachañxata"
uka qillqata t'aqatha t'aqatha
ullsma. Jichhayrixo aski wakisiri
amuyunaka samicharakma.

Qillqaña pankasaru kutt'ayapxañäni.

Uta luraña qalltañatakixa pusi
k'uchu uñnaqani sumawja uraqiru
k'upacha jurk'suña, ukaru
thaxsintañataki. Yaqhapanakaxa uta
simintu sapxarakiwa.

- ¿Kunatakisa uraqiru k'upacha jurk'suña?
- ¿Kunatakisa uta simintuxa wakisi?

Uta pirqasti suma uñnaqani
qalampi pirqatawa. Ñiq'ixa sapa
muytana apxatañaraki. Ukhamatha,
qalampi ñiq'impi pirqaxa muytasa
muytasawa sayt'ayatäxaraki.

¿Kunatakisa sapa
muytana n'iqimpi uta
pirqataru uskuña?

Utachatarusti jisk'a p'iyankaxa
utjapuniwa; ukanka ñiq'impi
liqsuñawa, jani thaya
mantañapataki, juypvisa uta
manqhiru jani juypintañapataki.

¿Kunathsa uta p'iyankaxa
ñiq'impi liqsuña?

Ullaña tukuykasa

Ullaña tukuykasaxa, yatiqatama uñxatt'asma, ukhamarusa arxatt'arakismawa.



1 Chikthapiri amuyunaka irphapma, ukhama qillqaña pankamaru qillqantma.

...minumpi, umampi,
ukhama aski
ñiq'ichsuñawa.

Pusi k'uchpacha
k'uypacha thawsuña...

...uta simintañatakiwa.

...jach'a jichhunakampi
utachxatañawa.

Qalampi pirqasaxa...

Utachaña tukuykasaxa...

Urqu qalanakaxa ...

Jach'a suma
qalanakaxa...

Ñiq'ixa aski
ñiq'ichatäñapawa...

...uta simintutaki
munasiriwa.

...uta simintañataki.

...ñiq'impi aski
katuyañawa, jani
thunjasiñapataki.

Uta pirqa
sayt'atäxiphanxa...

...ñ'iq'impiwa p'iyanaka
liqsuña.

2 Jichhaxa, sapa mayni t'aqataki maya p'iqincha amuyma, ukhama qillqaña pankamaru qillqantma. Maya ch'umthapiyata wakiyma.



Sapa mayni t'aqana aski wakisiri yatiwinakapa thaqapxañäni, ukawa yanapchistani.

T'aqanaka jakhuta	P'iqinchapa
Mayiri t'aqa	Jaya marathpacha panichasiritaki utachañaxa juti.
Payiri t'aqa	
Kimsiri t'aqa	
Pusiri t'aqa	
Phiqiri t'aqa	
Suxtiri t'aqa	
paqallqiri t'aqa	

3 Akhama jiskht'awinakaru kutt'ayapxañäni.

- ¿Khitisa uka qillqata qillqpacha?
- ¿Kuna yayanakatha luratasa utaxa?
- ¿Khitinakasa uka qillqata ullapxañapa?
- ¿Kunjamasa qala utaxa luraña?
- ¿Kunsa uka qillqataxa yatichistu?

4 Mayni masimampi aruskipma.

- “Panichasiritaki utachanxata” qillqata mayniraki, maynirakiwa ullañapa.
- Sama chimpunaka uñxatarakintawa, aski khusa ullañamataki.
- Jumana ullañamkamaxa mayni masimaxa, kawkjarusa amuyusa t'aqasa tukuyi, ukwa amusaki sarayaskañapa.
- Ukathxa maynirakiwa ukhama ullani.
- Yaqhipa ch'amapacha yatxatañanaka qhiparu qhansuyañataki qillqaqarakma.
- Uka ch'amapachanaka qillqaqtama qhansuyrakama.





Jaqinakana utanakapatha yatxatapxañäni

2

¿Kunjama luratäskisa jaqinakana utanapaxa?

Janiwa armantati, janïra ullkasaxa, qillqatana p'iqinchapampi jamuqapampi askipacha uñxatañasawa. Ukhamarakiwa machaqa arunakapsa.



Askipacha uka qillqatani jamuqa uñxatma, masinakamampisa aruskiparakismawa.




Ullapxañäni

Ullkasaxa, sapa mayni t'aqana wakisiri amuyunakapa jakiñasawa, ukhamathwa yatiqataso janïra yatiqqatasasa yatisinixa. Ukhamarusa, jamaaspachankiri amuyunaka qhansuyaraktanwa.

Ukhamaxa qillqatani jamuqankiri yatiyawinaka ullapxañäni.

KUNJAMA LURATÄSKISA JAQINAKANA UTANAKAPAXA 2007 – 2017



Fuente: INEI

Ullaña tukuyataru

Ullaña tukuykasasa, yatiqatama uñxatt'asma, ¿q'alati yatxatta, janiracha?, ukhamarusa arxatt'arakismawa.



1 Ullaña tukuyawsinxha jiskht'awinakaru kutt'ayma.

- ¿Kuna yatiyawinaksa uka jamuqani qillqataxa uñachaychistu?
- ¿Kuna maranakathasa uka yatiyawinakaxa?
- ¿Kuna sañsa muni ch'uxña sami, anti samixa?

2 Qillqaña pankamaru akhama qillqaña wakichma ukaru phuqantayma.

- ¿Kuna yayanaktha luratasa Perú markasa jaqinakana utanakapaxa?

Pirqapa	
Uta pampapa	
Utachxatata	

3 Masinakamampi aruskipapxma, ukhama qillqaña pankamaru qillqantma.

2017 maranxa,
¿qhawqhanisa, sapa
mayni pataka jaqitha
sipana, latrillu pirqani
utachasipxäna?

¿Qhawqhanirakisa 2017
marana, sapa mayni
pataka jaqinakatha
sipana, simintumpi
jirumpi utachxatasipxäna?



¿Kuna yatiyawisa
2007 marana jani
utjki? ¿Kunathsa
ukhama siskta?

¿Qhawqhanisa
2017 marana, sapa
mayni pataka jaqitha
sipana, kalaminampi
utachxatasipxäna?

6

T'aqa

Yapu lurañataki wakichasipxañäni



Jichhakamasa yaqhipa ayllunakanxa nayrja yapu lurañanakampi irnaqataxa utjaskiwa. Ukhamarakiwa, uywa wanunaksa apnaqasipki, ukhama lurawinakampixa khuswa achuqayasipki. Ukaxa tunu awkinakasana yatiwinakapawa.

Maratha marathjamawa uka suma yatiwinakaxa pisipxaraki, ukhamarakiwa uywa wanumpi wanunchañasa pisipxi; phawrikatha jutiri qullanakampikiwa jilapachaxa wanunchasxpathi. Ukaxa jach'anaka achuqayaskiwa, janiwa sumäkiti manq'añataki, ukhamarusa uraqiruwa ch'apaqsuyxaraki.



Ukhama sipanxa, Pachamamaru jani usuntayiri yatiwinaka yatxatañawa wakisi. Uka yatxatatasampixa, akhama jiskht'awinakaru kutt'ayapxiriksawa: ¿Kunjamathsa wilamasinakaru, Pachamamaru jani usuchjasa suma lurawinaka amtaña yanapapxiriksna?



Yapu lurañxata yatxatapxañäni

1

Akayri jamuqanaka uñxatapxañäni.



1 Uñxatawsina, jiskht'awinakaru kutt'ayapxañäni.

- ¿Kunsa uka jamuqanakana lurasipki?
- ¿Kunatakisa uraqiru wanunchañaxa wakisi?
- ¿Kunsa taypinkiri jamuqana luraski?
- ¿Kunanaksa tukuyankiri jamuqana luraski?

2 Markasana yatiwinakapxata aruskipapxañäni.

- ¿Kuna lumasanaksa yapu luraña qalltañataki uñkapxañasa?
- ¿Kuna lumasanaksa uñt'apxtana?, ¿kunjamasa?
- ¿Kunjamsa yapu luraña yatiwinakaxa saraski?
- ¿Kunanakasa lumasa uñkañanakana mayjt'atäxi?

Ullapxañäniya

Janïra ullkasa

Janiwa armantati, janïra ullkasaxa, qillqatana p'iqinchapampi jamuqapampi askipacha uñxatañasawa. Ukhamarakiwa machaqa arunakapsa.



1 Ullaña qalltañatakixa, qillqatana p'iqinchapa askipacha uñxatma.

Nuevo mensaje

Para: hpiedra@midagri.gob.pe

Asunto: Yapuchañataki askichaña yänaka

Nayrt'ayapkañäni
Yatitasa amtasisa
jutiri yatiyinaka
nayrt'ayapsnawa.

¿Kunjamsa lurapxañäni?
Qillqatana p'iqinchapa uñxatasawa yatitasampi
chikthapiysnaxa.



2 Akayri jiskht'awinakampi yatitasa amtasipxañäni.

- ¿Nayraxa ukhama qillqata ullirítati?, ¿kunxatsa arsuri?
- ¿Kunsa ukhama qillqatanakatha yatiwthxa?
- ¿Kunatakissa 'correo electrónico' ukaxa wakisi?

3 Jutiri qillqatana yatiyanakapa nayrt'ayapxañäni.

- ¿Nayraxa ukhama qillqata ullirítati?, ¿kunxatsa arsuri?
- ¿Kunsa ukhama qillqatanakatha yatiwthxa?
- ¿Kunatakissa 'correo electrónico' ukaxa wakisi?

Ullkasa

Ullkasaxa, sapa mayni t'aqana wakisiri amuyunakapa jakiñasawa, ukhamathwa yatiqatasasa janíra yatiqatasasa yatisinixa. Ukhamarusa, jamaspachankiri amuyunaka qhansuyaraktanwa.



Jichhaxa ullapxañäni.

Nuevo mensaje

Ullkasaxa
yatiyawinaka
thaqapxañä-
ni, ukhamawa
yatxatapkañäni.

Para:

hpiedra@midagri.gob.pe

Asunto:

Yapuchañataki askichaña yänaka

Tata wiraxucha, *Ministerio de Desarrollo Agrario y Riego (MIDAGRI)* p'iq'tiri:

Aruntanipsmawa, taqpachani ch'uqi yapuchirinakana sutipampi, Punu suyutha ukhamarusa jisk'a suyu Chukuwitu, ukathsa *Asistencia Técnica* mayt'asipsma kunathtixa, ch'uqi satañatakixa uwija wanumpi yaqha wanunakampi jani Pachamamarusa usuntayiri wanunakxata yaxataña munapxtha. Ukatakixa kunaymana qutunakawa Punu suypachatha jawstapita, uka wakichataxa akhama sutinchatawa "**I Evento Regional de productores de papa**" ukaxa 24 saraqata urunkaniwa ukhamarusa taypi sata phaxsina apasirakini, qalltarakinwa 9:00 niya 15:00 uraskama.

"I Evento Regional de productores de Papa" uka wakichawi ch'uqi yapanuririnakawa p'iq'tasina sartayapxarak. Ukatakixa **mä Asistencia Técnica ukhamwa** mayisipsmaya **wali wakisiriwa**.

Ukatha ch'uqi juyra, jawasa ukanka wanumpi suma satañatakawa mayisinipsmaya.

Suma qhumanta, arunta, purt'ayanipsmaya, suyasinipkamamawa yatiñataki.

Ukhamayphana.

Vicente Mamani Mamani DNI 01262809

Marka irpiri "*I Evento Regional* ch'uqi yapanuririnakawa".

Apkatata mayiña qillqatanaka.

¿Kunajamsa
lurapxañäni?

Mayampi ma-
yampiwa t'aqana
yatiwi utjirinaka
ullapxañäni.

Uka amuyunaka
samichapxarak-
nawa.

Jiskht'awinakasa-
ru kutt'ayasawa
yatiqatasata yatxa-
tapxañänixa.



Enviar



Ullkasisa lurawinaka

- 1 “Yapuchañataki askichaña yänaka” qillqata qalltatha tukuykama ullma. Amuyunaka jani qhanjamäkipanxa, wasitatha ullma.



- 2 “Yapuchañataki askichaña yänaka” qillqatana mayitarjamaxa, ¿kawkiri kasta qillqasiñsa qillqirixa apnaqi? Maya sich'impi chimpma (x). Amuyunaka jani qhanjamäkipanxa, wasitatha ullma.



- 3 ¿Kunxatsa jilapacha uka ullatamaxa arsu?

Wanunchaña askipacha yatxatañataki yanapa mayt'awitha.

Uwisa wanumpi ch'uqi satañxata.

Kuna pachasa yaticht'awixa apasini, ukxata.

- 4 “Yapuchañataki askichaña yänaka” wasitatha ullaskakma, jichhaxa aski wakisiri amuyuna amt'astama, ukanaka samicharakma.

- 5 Akayri qillqata khuchuqata ullma ukhama jiskht'awinakaru kutt'ayma.



... Asistencia Técnica mayt'asipsma, kunathtixa, ch'uqi satañatakixa uwija wanumpi yaqha wanunakampi jani Pachamamarusa usuntayiri wanunakxata yatxataña munapxtha.

- ¿Kunxatsa jilapacha samichatawja qillqatax arsu?
- ¿Kunathsa wakisi wanunchañxata askipacha yatxatañataki yanapawixa?

Ullaña tukuyataru

Ullaña tukuykasaxa, yatiqatama uñxatt'asma, ukhamarusa arxatt'arakismawa.



1 Qillqata ullatasxata akayri jiskht'awinakaru kutt'ayapxañäni.

- ¿Kunatakisa uka qillqataxa qillqaspacha?
- ¿Kunathsa uka '*asistencia técnica*' mayt'añaru puri?
- ¿Khítitaki uka laphixa qillqatasa?
- ¿Khítisa uka '*correo electrónico*' qillqi?

2 Nayratha qhiparu, lurasitaparjama: 1, 2 y 3 jakhunakampi wakisitaparjama qillqantma.

- Mathapiwixa ch'uqi satirinakana jawsayatawa.
- Yatiqañataki suyapxaniwa.
- Pachamamaru jani q'añuchiri wanunakatha yatxatañatakiwa.

a. 3; 2; 1

ch. 3; 1;

k. 2; 1; 3

j. 2; 3; 1

3 "Yapuchañataki askichaña yänaka" ullma, ukhama jist'a chimpu taypiru chiqapa (ch) jani ukaxa, k'ari (k') sasa qillqantma.

- a. () Uka mathapiwixa 25 uru, mayu phaxsina, 9:00 aruma urasatha 15 urasa qhipa urukamawa apasini.

Ukxat'aqa qillqatana jaktha.

- ch. () Aka mathapiwixa akhama sutiniwa "*Suypachana ch'uqi satirinakana mathapiwipa*".

Ukxat'aqa qillqatana jaktha.

- h'. () '*Asistencia técnica*' ukaxa suma wanunaka wakichañataki aski wakisiriwa.

Ukxat'aqa qillqatana jaktha.



“Mataxampi yapu wanunchaña” ullapxañäni

2

Janïra ullkasaxa qillqaña pankasaru qillqt'asipxañäni.

Janïra ullkasa

- ¿Kuna yatiyawinaksa jakippachäni?
- Qillqatana p'iqinchapa sipana ¿kunathsa uywa wanunakampi yapuru wanunchapxañasa?



Ukhamaxa akayri qillqata ullapxañäni.

Mataxampi wanunchaña

Qhanuna uraqixa walja ch'uqi achuñapataki suma ch'amanchatäñapawa, ukhamatha yapuchirinaka walja achunaka alxapxañapataki. Sapa cuti jani samarayasa, jani aynuqaptata satata uraqixa qaritäxaspera ukhamawa. Ukathwa yapuchiri jaqinakaxa wali jaqina lurata kimika wanunakampi uchantapxi. Ukhama alata ch'amachiri wanunakaxa Pachamamarusa usuntayi, ukhamaraki jaqinakarusa.

Uka jani walt'awinaka kutjtayañatakixa wakisiriwa wali ch'amachiri wanu uchaña, ukaxa mathaxa wanu sutimpi uñt'atawa, wali khusa jilayiri, ch'amanchiri kimikanakani phuqatawa.



Mataxa wanuxa Lamara Quta jamach'inakana tantachatawa, jupanakaxa jakasipxiwa Lamara Quta jak'ana Pirwanu wat'ana. Lamara Quta aski mataxa wanu tantachiri jamach'inakaxa kimsawa: Wanay, Pikiru, Pilíkanu, ukanaka; Jichhakamaxa mä 5 waranqa waranqani jamach'inakawa utjaski.



Fuente: Agro Rural / Manual de Abonamiento con Guano de las Islas

Ullaña tukuyataru

Ullaña tukuykasaxa, qillqirina yatiyawi qillqatapa yatxattati janicha uka uñakipma.



1 Ullaña tukuyasaxa qillqaña pankamaru jiskht'awinakaru kutt'ayata qillqantma.

- ¿Kawkithsa mataxa wanuxa apsuña?
- ¿Kuna mataxa wanu yanapiwinakanisa?
- ¿Kamachasphasa yapuru jani khusa wanunchataxa?

2 Maya pusi k'uchu k'anata qillqaña pankamaru rixsma, ukaru phuqachma.

1 t'aqa	
2 t'aqa	
3 t'aqa	

3 Masinakamampi aruskipapxma, ukhama jiskht'awinakaru kutt'ayapxma.



• ¿Uka qillqatana yatiyawinakapaxa wakisiriti? ¿Kunathsa?

• ¿Kunanakasa yaqha yaqha matakampi, ayllumana utjiri wanumpixa?

• ¿Kuna yatiwinakasa ayllunakasana lurawinaka ch'amanchi?

• ¿Kuna yatiyawi qillqatasaya yanapaspha?, ¿kunathsa?

7

T'aqa

Suma satawina qamarapxañäni



Taqi phuqata manq'añanakaxa, yapu luririnaka utjipanwa, taqiniru purixa. Yapuchañatakixa taqiniwa aylluna yanapasipxi, jisk'asa jach'asa, chuymansa wawasa, warmisa chachasa, tawaqusa waynasa, ukhama. Taqini wilamasinakaru manq'a churañatakixa nayrja pachathpachwa ukhama taqinixata yapat'asisa lurtañaxa juti.

Pachamamana mayt'awinaka utjipana, jani walt'awinakaxa utjarakiwa, ukhampachasa, yapu yapuchirinakaxa, ukhama jani walt'awinaka taypinpacha taqi phuqata achuri alinaka uywasipkakiwa. Ukampixa uraqisa uñjatäskiwa, ukhamrakiwa tunu awki taykasana yatiwipasa yäqatäskarakiwa.

Ukhama sipana, yatiyawinaka yaxatañawa wakisxi, akhama jiskht'awinakaru jaysapxañasataki: ¿kunjamsa wilamasinakaru suma satawinaka ch'amanchapxañapati yanapt'apxiriksna?



Jamuqa uñxatasa masinakamampi aruskipma.



1 Akiri jiskht'awinakampi yanapt'ayasirakismawa.

- ¿Kunsa uka jamuqankirinakaxa lurasisipki?
- ¿Kunsa kustala llamiri mamaxa luraskpacha?
- ¿Kunsa satasipki?, ¿kunampisa satasipki?
- ¿Khitinakasa satawina yanapasipxi, kunjamsa yanapasipxi?

2 Masinakamampi aruskipapxma, ukhama jutiri jiskht'awinakaru kutt'ayma.

- ¿Kunasa uka lurawitha jilapacha munastama?
- ¿Kunanakampisa ayllumana ch'uqi satapxi?
- ¿Kunanaksa jamuqankiri jaqinakanatha yatiqapxitiksna?
- ¿Kuna kasta qillqatsa ullapxañäni?
- ¿Kunatakisa qillqirixa uka qillqata lurpacha?

Ullapxañäni


Janïra ullkasa

Amtasipxañasawa, janïra ullkasaxa, jamuqampi p'iqinchapampi askipacha uñxatañasawa.



1 Ukhamaxa akiri jamuqanaka uñxatma, ukhamaraki p'iqinchapa.

Siwullanaka mallkiña



- ¿Kunanaksa jamuqanakana lurasipki?
- ¿Kunjamsa jamuqanakampi p'iqinchampixa aruskipi?
- ¿Nayrjanakaxa ukhama qillqata ullirítati?

2 Qillqaña pankasaru jikht'awinakaru kutt'ayata qillqantañäni.

- ¿Kunathsa qillqataxa arspacha?, ¿kunatakisa ullaja?
- ¿Kunjama uñaqanisa uka qillqataxa?
- ¿Kunathsa uka kimsaru suk'ata qillqa ullapxañasa?
- ¿Ayllumana siwulla ayrupxití?
- ¿Kuna manq'anaksa siwullani phayasiptana?



Arunaka qhananchapxañäni.

ayruña = mallkiña

Jichhaxa, jutiri kimsaru suk'ata qillqata ullapxañäni.

Kunapachasa, kunjama mallkiñasa

Siwulla mallkixa Willka cuti, sata qallta phaxsinakanwa mallkisiñapaxa, ukhamarusa niya 3 jani ukaxa 4 laphinixa jukhawa mallkintxaña.
Siwullataki uraqixa wakichañawa suma suka sukachañataki. Mallkita mallkikamaxa 10 niya 15 wikuwa wakichaña. Yaqha mallkinakaxa: lichuwa, sanawriya, tumati, pirijila, apiyu, witiraja, ukanakawa.



Ch'uxña manq'a alinaka mallkipxañäni



Wali aski k'umaräñaxa manq'anakankaskiwa



IEP 70808 - SALCEDO



MALLKIÑA YATICAÑA
JILAÑASA YATICAÑAWA



¡Siwullanaka mallkiña!

Liz Yamila Astete Flores,
4to grado primaria

¿Kunjamsa suma aliyasna?

Siwullatakixa suma achuyiri uraqixa wakichaña. Mallkiña uraqixa khusa thaysuta, wali wanuniñapa. Ukhamarusa uraqixa ch'arañapuniñapawa, laphinakaparuxa janiwa umampi ch'allxatañati. Siwulla p'iqi wali jach'a achuqañapatakixa uraqixa phisnachañawa.



¿Kunjamsa khusa aphapxsna?



Siwulla jach'a p'iqiniñapatakixa alinaka jaqust'ayasa qhaqhurañawa. Siwullanakaxa p'iqipasa unjasxi jukhaxa aphapiñaxiwa. Laphinakapaxa jani usuchjasa k'achathakwa jik'iraña. Ukhamarusa lupiru niya 2 jani ukaxa 3 urunaka uraqiru jaytasa wañachkiparakiña.

Kunjamsa manq'sna?

Siwullaxa ch'uxña ali mallkiwa ukathwa wali jayathpacha mukht'araksna. Siwullxa qhatitsa jani qhatitsa manq'a sumachañapataki manq'araksnawa. Siwullaxa kunaymana manq'añanakaruwa mantí: kaltu, istupharu siwichi yaqhanakampi. Ukathsa siwullana ch'uxña laphinakapsa manq'añarakiwa.



Ullasisa lurawinaka

1 Qallatatha tukuykama uka kimsaru suk'ata qillqata ullma.

Ullaña tukuykasaxa maya kimsaru suk'ata qillqata amuyt'ma.



- ¿Kunxatsa jilapacha uka qillqataxa arsu?

Ch'uxña alinakampi,
siwullampi ayruñxata.

Ch'uxña alinaka
aljañxata.

Siwullani manq'a
phayañxata.

- Wasitatha uka kimsaru suk'ata ullma, aski wakisirjama yatiwinaka samichmasa, rixintmasa.

2 Jutiri qillqata t'aqa ullma, ukhama qillqaña pankamaru, kutt'ayawinakapa qillqantma.

Siwullatakixa suma achuyiri uraqiwa wakichaña. Mallkiña uraqixa wali wanuniñapa, khusa thaysuta. Ukhamarusa uraqixa juripuniñapawa, laphinakaparuxa janiwa umampi ch'allxatañati. Siwulla p'iqi wali jach'a achuqañapatakixa uraqixa phisnachañawa.

- ¿Kunxatsa jilapacha uka sixintata amuyuxa arsu?

3 Jichhaxa jutiri t'aqa ullasa, jiskht'awinakaru kutt'ayma.

Siwullaxa ch'uxña ali mallkiwa ukathwa wali jayatpacha mukht'araksna. Siwullxa qhatitsa jani qhatitsa manq'a sumachañapataki manq'araksnawa. Siwullaxa kunaymana manq'añanakaruwa mantí: kaltu, istupharu siwichi yaqhanakampi. Ukathsa siwullana ch'uxña laphinakapsa manq'añarakawa.

- ¿Kunathsa siwullaxa ch'uqisa qhatitasa manq'añaki?

Arunaka qhananchapxañäni.



jurha = ukja juri = ch'araña thaysuta = thawsuta = laq'achsuta

Ullaña tukuyataru

Ullaña tukuykasasa, yatiqatama uñxatt'asma, ukhamarusa arxatt'arakismawa.



Ullaña tukuyataru lurawinaka.

1 "Siwullanaka mallkiña" qillqata ullawsina, jutiri arsutana uñakipma, ukhama, chiqawa (ch), k'ariwa (k') sasa wakisitaparjama, qillqantma.

- a. Siwulla mallkiñatakixa janiwa uraqi laq'achaña wakiskiti.
- ch. Siwulla mallkiña uraqixa aski wanunchatäñapawa.
- ch'. Siwulla jach'a p'iqini aliñapatakixa, jilsuphana laq'apa thawiqañawa.
- chh. Siwullaxa jani qhatitakiwa suma jaritha manq'aña.
- k. Uka qillqataxa mayni IEP 70808 – Salcedo ukana yatichiri tatana luratawa.

2 Qillqatana arsutapatha qillqaña pankamaru jiskht'awinaka kutt'ayma.

- ¿Uka yatiwinakaxa taqini ayllunkirinakataki wakisisphati? ¿Kunathsa?
- ¿Kunathsa ch'uqi siwullasa, qhatita siwullasa manq'apxañasa?

3 Aynachankiri arunakampi amuyu phuqachañataki qillqantma.

Arxatawi khusa amuyunaka wakichatawa, ukanya
qillqirixa jupana arxati, ukaxa mayninakana
amuyatapampi

chikantasiñapawa – qillqata – amuyunakapampiwa



“Achuar aylluna yuka sataña” ullapxañäni

2

Janïra ullkasa

Amtasipxañasawa, janïra ullkasaxa, jamuqampi p'iqinchapampi askipacha uñxatañasawa.



Ullaña qallantañatakixa, qillqaña pankasaru qillqt'asiñasawa.

- “Achuar aylluna yuka sataña” ukhama p'iqinchanichi ukjaxa, ¿kunxatsa arspachäni?
- ¿Kunathsa Achuar chacha warmitakixa yuka mallkiñaxa aski wakisiri?

Ullkasa

Ullkasaxa, sapa mayni t'aqana wakisiri amuyunakapa jakiñasawa, ukhamathwa yatiqataso janïra yatiqatasasa yatisinixa. Ukhamarusa, jamäspachankiri amuyunaka qhansuyaraktanwa.



Jichhaxa, jutiri qillqata ullapxañäni.

Ullkasaxa
yatiwinaka
thaqapxañäni
ukhama jakipxañi.

Uraqi chhijllaña



Yuka lawa
satañatakixa.

Achuar warminakaxa
yapuchaña pachaxa wali
warurt'ampiwa yuka satapxi.
NUNKUY sata ajayuparu
jawsasina yupachapxi, achunaksa
apayanipxakitaya sasa.



Achuar aylluna yuca sataña



Uraqi wakichaña



Chachanakaxa uraqi
p'iyapxi ukaruwa
warminaka yuca lawa
satantapxi.



¿Kunjamisa lurapxañäni?

Mayampi
mayampiwa
t'aqana yatiwi
utjirinaka
ullapxañäni.

Uka amuyun aka
samichapxaraks-
nawa.


Jiskht'awinakasaru
kutt'ayasawa yati-
qataso yatxatapxa-
ñänixa.

Yapuchaña yänaka

Suka jiskht'añataki
(tacpear- Achuar).



Ch'ampanaka, quqanaka
jawq'arañataki.



Q'ipxaruña siruna, yuka
lawanaka yaqhanaka
q'ipxaruñataki.



Ullaña tukuyataru

Amtasipuntawá. Ullaña tukuykasasa, yatiqatama uñxatt'asma, ukhamarusa arxatt'arakismawa. Ukhamarakiwa qillqirina munatapa jakxatañasa wakisi.



Qillqaña tukuyataru lurawinaka

1 Ch'iqäxankiri amuyuna kupixankiri amuyunaka phuqachiripampi irpthapma.

Ukatakixa qillqirina munatapa amuyt'ma.

Qillqirixa akhama siwa: Achuar
warminakaxa...

...warminakxa yuka lawanaka
mallkirapxi.

Achuar yapuchirinakaxa
kanastaruwa...

...yuka katuta q'ipnaqapxi.

Chachanakawa p'iyanaka
lurixa, ...

... ukaruwa yuka
satañana NUNKUY sutini
almanakaparuwa warurt'apxi.

2 Yatiqiri masinakamampi aruskipapxma ukhama qillqaña pankamaru jiskht'awinakaru kutt'ayma.



• ¿Wakisirjamati qillqata ullatasana
yatiyawinakaxa?, ¿kunathsa?

• ¿Ayllumana kuna satawimpisa
niyasa ukhamjama yuka satawixa?

• ¿Kuna yatiwinakasa aski khusa
achuqayaña yanapistu?

• ¿Kunawjasa qillqatana jani
wakisirjamäki?, ¿kunathsa?

8

T'aqa

Taqinimpisa sumaki jakasipxañäni



Ayllunakasana suma jakawixa thayampi, jallumpi, chhijchhimpí, juypimpi suma qamañankiwa, ukhamaraki Apu qullunakampisa, Mama qutampisa, warawaranakampisa, Intimpisa, Phaxsimpisa. Yamasta, jiwiri wilamasinakasa janiwa armapxañasati, jupanakaxa jiwasampi chikäsipkiwa. Ukhamarusa, suma jakawixa sarnaqtassa, aymara arussa, taqinixata yanapt'asitassa, chachampi warmimpi yanapt'asitsa ch'amañchiwa.

Ukhama suma jakawimpi sartawinakaxa, maratha mararu pisipxakiwa, ukatha aylluna taqinixata yanapt'asia irnaqañaxa chhaqtirjamäxarakiwa.


Ukhama sипанха, ука suma sarnaqawinaka pisipxatapatha askipacha yatxatañawa wakisi. Ука yatxatatasampixa, akhama jiskht'awinakarу jaysapxitiksawa: ¿Kunjamathsa wilamasinakaru, Pachamamampi, taqi phuqata uywirinakasampi, suma qamaña ch'amanchaña yanapt'apxitiksna?



Suma jakawxata juk'ampi yatxatapxañäni

1

Jamuqanaka askipacha uñxatapxañäni ukhama arxatapxañäni.



1 Jichhaxa arsusaki jaysapxañäni.

- ¿Kunanaksa jamuqankiri jaqinakaxa lurasipki?
- ¿Kunathsa uywanakaxa suma phuqata saminakani t'ikachata?
- ¿Kamsapxirikswnasa uka jamuqanakatha?
- ¿Khitinakasa Pachamamaru luqtapxi?
- ¿Ukhama yäqañanakaxa ayllumana utjiti?, ¿kawkirinakasa?

2 Qillqaña pankaru jiskht'awinakaru kutt'ayata qillantapxañäni.

- ¿Kuna kasta qillqatsa ullapxañäni?
- ¿Kunasa ukhama kasta qillqatäniwa sasa saytama?
- ¿Kuna yatiyawinaksa qillqatana jakipxañäni?
- ¿Kunasa ukhama yatiyawiwa utjpachäni sasa amuyaytama?
- ¿Kunatakisa qillqirixa ukhama qillqpacha?



Arunaka qhananchapxañäni.

kawkiri = kawkchapi

jiskht'awi = sikht'awi

Ukhamaxa ullapxañäni

Janïra ullkasa

Amtasipxañäni, janïra ullkasaxa, askipacha jamuqapampi p'iqinchapampi aski uñxatañasawa.



Askipacha uñxatapxañäni.

YATIYAWI



1 Ullañasxata nayrt'ayapkañäni.

- ¿Kunjamsa jamuqampi p'iqinchampixa jakintasi?
- ¿Kunsa jamuqanakaxa yatiychistu?
- ¿Kunanakasa mayirinkiri jamuqampi kimsirinkirimpixa jakisirjama?

Nayrt'aya-pxañäni

Yatitanakasa amtasa, kunxatsa arspachäni, ukwa k'achatha k'achatha amuyapxañänixa.

2 Yatitamampi jiskht'awinakaru kutt'ayma.

- ¿Kunsa almanakana jutawipatha yatipxtana?
- ¿Kunasa almanakana puriniñapatha yatxataña munasma?
- ¿Kuna kasta yatiyawinaksa jakipxañäni?

¿Kunjamsa lurapxañäni?

Qillqatana p'iqinchapa uñxatasawa yatisasampi chikthapiysnaxa.



Arunaka qhananchapxañäni.

almanaka = jiwirinaka

jiskht'awi = sikht'awi

Ullkasa

Ullkasaxa, sapa mayni t'aqana wakisiri amuyunakapa jakiñasawa, ukhamathwa yatiqatasasa janíra yatiqqatasasa yatisinixa. Ukhamarusa, jamäspachankiri amuyunaka qhansuyaraktanwa.



Jichhaxa, akayri qillqata ullapxañäni.

Yatiyawi

Kürmi uru, 27 taypi sata phaxsina, 2018 mara alwasti, Pachamama radio sata, ukathpacha, p'iqt'iri Juliku awkixa akhama sasa taqini raryu ist'irinakaru yatt'ayanchituxa:

"Jiwirinakaxa sapa marawa, yänakapa tumpasirisa, munata manq'anaka manq'asirisa, wila masinakapampi jakisirisa, purinipxixa.

Ukathwa, taqi chiqansa almatakixa kunaymana manq'anaka, umañanaka, laphiqasiñanaka, warurt'anaka, alsu apasiñanakapa wakichapxtanxa. Ukatakixa, t'ant'a kawallu, qawra, jamach'i, kitula, suri, ukanakawa chili jak'uthsa jiwra aqallputhsa lurañapunixa.

Kitulasti almampi chika jalañapatakiwa; qarwa, kawallu, ukanakarakiwa almana q'ipinakapa khumuñapatakiwa. Janíra chika uru purinkipanwa, almaruxa taqi kunaymana manq'ani, uywani, umani kuna khitxaña. Jani pachaparu khitksna ukjasti, qhipaqtawsina t'aqisisphawa", sasawa yatt'ayanina.

Ukhamasti, jiwrinakana urupansti suma yäqt'asisawa katuqañätanxa almanakasaruxa, sasawa arxatt'aninaxa Punu sata markathpacha.

Ullkasisaxa
qillqatana
yatiyawinakapa
thaqasisa
yatxatapxañäni.

¿Kunajamsa lurapxañäni?

Mayampi
mayampiwa
t'aqana yatiwi
utjirinaka
ullapxañäni.
Uka amuyunaka
samichapxaraksnawa.
Jiskht'awinakasaru kutt'ayasawa
yatiqatasaya yatxatapxañänixa.

Ullasisa lurawinaka

1 "Yatiyawi" qillqata qalltatha tukuykama ullma.

- Inatixa kuna yatiyawisa jani qhanäkiphanxa, wasitatha ullawma.

"Yatiyawi" qillqata
ullaña tukuyataruxa,
chuyma amuyupa
amuyt'ma.



- ¿Kunxatsa uka qillqata jilapacha arsu?

2 Sapa mayni khuchuqata t'aqanaka ullma, ukhama qillqaña pankamaru jiskht'awinaka kutt'ayatama qillqantma.

- Kutt'ayata jakitama rixintma. Wakisiriwjaki rixintäta.

1 t'aqa

Jiwirinakaxa sapa marawa, yänakapa tumpasirisa, munata manq'anaka manq'asirisa, wila masinakapampi jakisirisa, purinixa. Ukathwa, taqi chiqansa almatakixa kunaymana manq'anaka, umañanaka, laphiqasiñanaka, warurt'anaka, alsu apasiñanakapsa, wakichapxtanxa. Ukatakixa, t'ant'a wawa, t'ant'a kawallu, qawra, jamach'i, kitula, suri, ukanañanaka chili jak'uthsa jiwra aqallputhsa lurañapunixa.

- Qillqatankiri siperpanxa, ¿kunarusa almanakaxa sapa mara purinipxi?

2 t'aqa

Kitulasti almampi chika jalañapatakiwa; qarwa, kawallu, ukanañanaka almana q'ipinakapa khumuñapatakiwa.

- ¿Khitisa almanakampi chika sarxani?

3 t'aqa

Janïra chika uru purinkipanwa, almaruxa taqi kunaymana manq'ani, uywani, umani kuna, khitxaña. Jani pachaparu khitksna ukjasti, qhipaqtawsina t'aqisisphawa" sasawa yatt'ayanïna.

- ¿Kunathsa almanakaruxa janïra chika uru khitxaña?

4 t'aqa

"Ukhamasti, jiwirinakana urupanxa suma yäqt'asisawa almanakasaru katuqañätanxa ", sasawa arxatt'aninaxa Punu markathpacha.

- ¿Kunjamasu almanakaru katuqapxañasaxa?
- Qillqirina arupatha, ¿kawkitäpachasa ukhama arxatanirixa?

Ullaña tukuyataru

Ullaña tukuykasaxa, yatiqatama uñxatt'asma, ukhamarusa arxatt'arakismawa.



Ullaña tukuyataru lurawinaka.

1 Ullaña tukuyasa akhama lurawinaka lurapxañäni.

- Kimsa jakhuni laphiru kutt'asa, yatiyawinaka jakitamamapi, nayrt'ayatamampi tupayma. ¿Kunanakasa jani ukhama puräki?

Ukhamäsphawa sätama

Qillqata ullatana jakitama

- "Yatiyawi" sutini qillqata ullatarjama, chiqawa (**ch**) k'ariwa (**k'**) sasa, arsutjarjama qillqantma.
 - a. Uka yatiyawixa 27 uru, sata qallta phaxsi, 2023 maratawa. ()
 - ch. Almanakaxa uywanakapa apasiriwa kuttanipxi. ()
 - ch'. Almanakaruxa munatapa jakkipana churañawa walixa. ()
 - chh. Almanakaruxa chakanampiwa amaya imatapanan suañasa. ()
 - k. Almanakaruxa mä suma munasiña chuymampiwa urupana katuqaña. ()

2 Askipacha lup'iwma, ukhama qillqaña pankamaru jiskht'awinakaru kutt'ayma.

- ¿Khilitaki qillqataswa uka "Yatiyawi" qillqataxa?
- ¿Kawkinsa ukhama qillqataxa utjarakispha?
- ¿Kunatakisa qillqirixa ukhama qillqata qillqpacha?
- ¿Qillqirina amuyataparu jumaxa yanaptati, janicha?, ¿kunathsa?



Arunaka qhananchapxañäni.

almanaka = jiwinakaka

jiskht'awi = sikht'awi



"MAYIWI: Qarpa jawsañataki maya luqtaña" ukhama sata qillqata ullapxañäni.

Janïra ullkasa

Janïra ullkasaxa qillqaña pankasaru qillqt'asipxañäni.

- Qillqataxa "MAYIWI" p'iinqchanichi ukjaxa, ¿kunxatsa uka qillqata arspachäni?
- ¿Kunathsa qarpaña larqanaka mayiñaxa wakispacha?



Jichhaxa akayri qillqata ullapxañäni.

"Kuna lurañanakansa taqiniru aski yäqaña mara"

Ullkasaxa
yatiyawinaka
thaqapxañäni,
ukhamawa
yatxatapkañäni.

Kuna mayiñawja

Khitirusa
qillqañasa

Mayirina
uñstapa

Mayitana
tunupa

MAYITA: Qarpa jawsañataki maya luqtaña.

TIKITIKI AYLLUNA P'IQT'IRI MARANI TATA.

M. T.

Naya, Maritsa Chura Mamani; akiri DNI jakhujampi 43438650, Tikitiki aylluna utjasiri, Inchupalla marka katuya. Jumana nayqatamaru uñstantha, akhama sañataki:

Jani qarpa purxipana, yapunakasa mäpita q'llurata, yaqhipanakasa jiwaratawa uñjasixi. Ukatha wali llakitawa uñjasipxtha, kunathtixa akaxa niya maya phaxsi jilawa qarpaxa jani purxit. ((ENTER))

Ukhamípanwa jumaru mayinsma, qarpa jawsañataki maya luqtaña lurasispha sasa. Iyawa sanikita akiri aylluna utjasiri jaqinakana, uywanaka, yapunaka layku. Ukhama sasinsti, taqinina sutipampi, paysuma sansmawa.

UKHAMA ARSKASINA:

P'iqt'iri marani tata,
achikt'ansmawa mayisitajaru iyawa sanikitaya taqini
layku.

Kawkithsa, kunapachansa

Tikitiki, lapaqa phaxsi 2018 marana.

Mayirina
rixipa

Maritsa Chura Mamani
DNI. N° 43438650

¿Kunajamsa lurapxañäni?

Mayampi
mayampiwa
t'aqana yatiwi
utjirinaka
ullapxañäni.

Uka amuyunaka
samichapxaraksnawa.

Jiskht'awinakasaru
kutt'ayasawa
yatiqatas
yatxatapxañänixa.

Akatjama
kujawjasa
jani qhana
yatiskiphanxa,
wasitatha ullma.

Ullaña tukuyataru

Ullaña tukuykasaxa, qillqirina yatiyawi qillqatapa yatxattati janicha uka uñakipma. Ukhamarakiwa, amuyunakxata arxatapsnaxa, kuna kasta qillqatsa ullasktana uksa yatxatapxaraksnawa.



Ullasa lurawinaka

1 Kikipa qillqatana yatiyawinaka thaqtma.

- “Yatiyawi” qillqatana, kawkiri t’aqansa jutiri jiskhinakana kutt’apa jakipsna.
- T’aqqa jakhuwipa qillqantma.

2 Qillqaña pankamaru akhama k’anata pusi k’uchu lursma, ukaru jiskht’awinakaru kutt’ayata qillqantma.

T’aqqa	Jiskhinaka	Kutt’ayanaka
	¿Khitisa mayt’irixa?	
	¿Khitirusa uka mayt’awi luqtí?	
	¿Kunanakasa, jani jallu puriphana, sinti qawintxi?	
	¿Khitinakasa llakita uñjasí?	

3 Yatiqiri masinakamampi aruskipma, ukhama qillqaña pankamaru kutt’ayatanaka qillqantma.


- “Yatiyawi” qillqatana, kawkiri t’aqansa jutiri jiskhinakana kutt’apa jakipsna.
- T’aqqa jakhuwipa qillqantma.



Arunaka qhananchapxañäni.

kawkiri = kawkchhapi

qawintaña = wañaraña



Wari wawita

(Warurt'awi)

Wari wawita, wikuña wawita,
jiwa wawitaki, (KUTI)
awkiniriktha, taykaniriktha,
uywarapitaspa. (KUTI)

Aka qullunsa, khaya qullunsa,
jacht'atamaki. (KUTI)
Wari wawita wikuña wawita
kutinxakitasma. (KUTI)

Imill wawita, jaqin wawapa,
jacht'atamaki, (KUTI)
qurinirikthsa, qullqinirikthsa,
uywasiskiriksma. (KUTI)

Marca, Demetrio (1991). Música aymara y poesía. Taller de Historia Oral Andina. T.H.O.A. Trabajo presentado para el II Congreso Internacional de Etnohistoria. Corico, Bolivia. Pág. 8

Warurt'añataki: <https://www.youtube.com/watch?v=3HqqUy2vnRY>

Quli wayra

(Jarawi)

Ch'aska imilla churamamaxa, quli wayra,
jiwralla khuyt'ayasita,
ch'uñulla khuyt'ayasita,
janikilla inaki muyumti,
ch'aska imilla churamamaxa, quli wayra.

Siwaralla khuyt'ayasita,
qañiwalla khuyt'ayasita,
ch'amamalla mayt'asita,
ch'aska imilla churamamaxa, quli wayra.

Janikilla inaki muyumti,
janikilla inaki anatamti,
ch'amamalla mayt'asita,
ch'aska imilla churamamaxa, quli wayra.

Qillqiri: Roger Gonzalo

<https://www.youtube.com/watch?v=xJcntsjhJqo>



El Acuerdo Nacional

El 22 de julio de 2002, los representantes de las organizaciones políticas, religiosas, del Gobierno y de la sociedad civil firmaron el compromiso de trabajar, todos, para conseguir el bienestar y desarrollo del país. Este compromiso es el Acuerdo Nacional.

El Acuerdo persigue cuatro objetivos fundamentales. Para alcanzarlos, todos los peruanos de buena voluntad tenemos, desde el lugar que ocupemos o el rol que desempeñemos, el deber y la responsabilidad de decidir, ejecutar, vigilar o defender los compromisos asumidos. Estos son tan importantes que serán respetados como políticas permanentes para el futuro.

Por esta razón, como niños, niñas, adolescentes o adultos, ya sea como estudiantes o trabajadores, debemos promover y fortalecer acciones que garanticen el cumplimiento de esos cuatro objetivos que son los siguientes:

I. Democracia y Estado de Derecho

La justicia, la paz y el desarrollo que necesitamos los peruanos sólo se pueden dar si conseguimos una verdadera democracia. El compromiso del Acuerdo Nacional es garantizar una sociedad en la que los derechos son respetados y los ciudadanos viven seguros y expresan con libertad sus opiniones a partir del diálogo abierto y enriquecedor; decidiendo lo mejor para el país.

2. Equidad y Justicia Social

Para poder construir nuestra democracia, es necesario que cada una de las personas que

conformamos esta sociedad, nos sintamos parte de ella. Con este fin, el Acuerdo promoverá el acceso a las oportunidades económicas, sociales, culturales y políticas. Todos los peruanos tenemos derecho a un empleo digno, a una educación de calidad, a una salud integral, a un lugar para vivir. Así, alcanzaremos el desarrollo pleno.

3. Competitividad del País

Para afianzar la economía, el Acuerdo se compromete a fomentar el espíritu de competitividad en las empresas, es decir, mejorar la calidad de los productos y servicios, asegurar el acceso a la formalización de las pequeñas empresas y sumar esfuerzos para fomentar la colocación de nuestros productos en los mercados internacionales.

4. Estado Eficiente, Transparente y Descentralizado

Es de vital importancia que el Estado cumpla con sus obligaciones de manera eficiente y transparente para ponerse al servicio de todos los peruanos. El Acuerdo se compromete a modernizar la administración pública, desarrollar instrumentos que eliminen la corrupción o el uso indebido del poder. Asimismo, descentralizar el poder y la economía para asegurar que el Estado sirva a todos los peruanos sin excepción. Mediante el Acuerdo Nacional nos comprometemos a desarrollar maneras de controlar el cumplimiento de estas políticas de Estado, a brindar apoyo y difundir constantemente sus acciones a la sociedad en general.

